

漢書藝文志拾補

漢書藝文志拾補卷四

兵書略第四

黃石公記三卷

後漢書臧宮傳光武詔報臧宮馬武曰黃石公記曰柔能制剛剛能制強章懷太子曰卽張良于下邳圯所見老父出一編書者

文選關中詩注郭有道碑文注運命論注引黃石公記序曰張良處若淵泉深不可測又曰黃石者神人也有上略中略下略

隋志子部兵家梁有黃石公記三卷

按黃石公出一編書授張良者乃太公兵法史記留侯世家及漢書列傳言之甚明烏有所謂黃石公記者乎然光武詔書所引出於前漢人依托可知初學記藝文類聚文選注御覽數引黃石公記或是漢以來相傳本書

又按文選魏李康運命論曰張良受黃石之符誦三略之說注引黃石公記序云有上略中略下略則黃石公記卽三略而今本三略又後人所僞託四庫提要言之詳矣

張良經一卷張氏七篇七卷

史漢世家列傳良字子房其先韓人也功臣侯表曰留文成侯張良以獻將從起下邳以韓中徒漢書中徒下韓國入武關設策降秦王嬰解上與項羽之隙爲漢王請漢中地常爲計謀平天下高帝六年正月丙午封萬戶十六年堯高后三年侯不疑嗣孝文五年坐事贖爲城旦國除

隋志子部兵家七錄云張良經與三略往往同亡

三略或唐經籍志張良經一卷張良撰

張氏七篇七卷張良撰唐藝文志張良經一卷張氏七篇七卷注云張良

按通志藝文略兵陰陽家有出軍秘占五卷張良撰似又從此兩書輾轉附托者張良經見七錄或漢以來相傳舊及張氏七篇似其別本無以詳其真偽姑從而錄之晉書天文志言州郡鎮次稱張良所云疑出是書

右兵權謀二家三部

嚴尤三將軍論三篇

漢書王莽傳天鳳六年莽欲遣嚴尤與廉丹擊匈奴皆賜姓徵氏號二徵將軍未發尤素有智略非莽攻伐四夷數諫不從著古名將集穀白起不用之意及言邊事凡三篇奏以風諫莽又匈奴傳贊曰若乃征伐之功秦漢行事嚴尤論之富矣

後漢書匈奴傳熹平六年秋議郎蔡邕曰守邊之術李牧著其略保塞之論嚴尤申其要道業猶在文章具存循二子之策守先帝之規臣曰可矣

文心雕龍論說篇曰及班彪王命嚴尤三將敷述昭情著入史體

唐經籍志子部雜家三將軍論一卷嚴尤撰唐藝文志嚴尤三將軍論一卷

嚴可均全漢文編曰嚴尤字伯石王莽始建國時爲討穰將軍封武建伯天鳳中代陳茂爲大司馬免後爲納言大將軍莽誅走汝南降於劉棻劉棻拜大司馬敗并死又曰三將軍論世說言語篇注引一條御覽四百三十七引一條

按范書劉玄傳更始元年前饋武侯劉望起兵略有汝南時王莽納言將軍嚴尤秩宗將軍陳茂既敗於昆陽往歸之八月望遂自立爲天子以尤爲大司馬茂爲丞相十月奮威大將軍劉信擊殺劉望於汝南并誅嚴尤陳茂尤死事如此又光武紀注引桓譚新論曰莊尤字伯石史避明帝諱改爲嚴

右兵形勢一家一部

王朔雜匈奴占一卷

史記天官書曰夫自漢之爲天數者星則唐都氣則王朔又曰王朔所候決於日旁雲氣人

主象皆如其形以占故北夷之氣如羣畜穹閭南夷之氣類舟船幡旗云云

漢書天官書注

隋志子部兵家雜匈奴占一卷漢武帝王朔注

漢書天官書注

通志略兵陰陽家雜匈奴占一卷

漢王朔撰

按王朔始末未詳班書李廣傳廣與望氣王朔語蓋與廣同時世說文學篇注引東方朔

傳曰漢武帝時未央宮鐘無故自鳴詔問太史待詔王朔

漢書天官書注則武帝時以

望氣知術數官待詔者也史與占星之唐都占歲之魏鮮並稱而天官書天文志并采其

語開元占經七八兩卷日占類中引王朔曰八條其卽是書

京氏征伐軍候八卷

京氏征伐軍候八卷京氏子京氏撰

漢書本傳初元四年以孝廉爲郎永光建昭間西羌反日蝕又久青亡光陰霧不精房數上

疏先言其將然近數月遠一歲所言屢中天子悅之數召見問

隋志子部兵家梁有京氏征伐軍候八卷

按七錄載是書但稱京氏不云京房今以本傳證之知爲房書其云西羌反先言其將然天子以所言屢中數召見問或其門弟子如任良段嘉姚平桑弘羊哀錄當時奏對之語及其占候涉於軍事者爲是編亦事理所恆有也御覽八百七十七引京房曰若出軍之日無雲而雨此天泣軍沒不還雨不沾衣名曰鬼泣其軍必敗頗似此書又開元占經引京房諸占頗及兵戎事者亦似此書

又據此書在兵部中錄雜部之

右兵陰陽二家二部

繳書二篇

漢書竹書

東晉竹書序目曰繳書二篇論七射法

江都陳達衡竹書紀年集證卷末有曰文選勵志詩注引汲冢書云潘且子見雙鳬過之其不被弋者亦下疑是繳書二篇之文列子曰潘且子之弋弱弓纖繳乘風振之連雙鵲于青雲之際用心專動手均也又淮南子曰潘且子連鳥千仞之上司良也案潘且子楚人善弋射說苑說盡篇潘且修繳鳬雁哀鳴

按漢志兵技巧家有潘且子弋法四篇與汲冢繳書略同陳氏云云或亦近似

右兵技巧一家一部

右兵書四種凡六家七部藝文志曰漢興張良韓信獻次兵法凡百八十二家刪取要用定著三十五家諸呂用事而盜取之武帝時軍政楊僕掇摭遺逸紀奏兵錄猶未能備至於孝成命

任宏論大兵書為四種蓋任氏要其成當時岡羅放失其所軼出者蓋寡故今所得止此又七略兵權謀有伊尹太公斃子孫卿子鵬冠子蘇子刺通陸賈淮南王兵技巧有墨子凡十家二百七十一篇班氏以重複省之又出司馬法百五十五篇入職數二十五篇則又非任宏論大之舊矣司馬法有九卷光武占一卷石公內記教法一卷三略一卷三略見於唐宋志墨子一卷可較者地鏡人依託又今法三卷石公內記教法一卷三略一卷三略見於唐宋志墨子一卷解者地鏡石公內記教法三卷石公內記教法一卷三略一卷三略見於唐宋志墨子一卷

漢書藝文志拾補卷五

數術略第五

周髀一卷

續漢天文志注蔡邕表志曰言天體者有三家一曰周髀周髀數術具存考驗天狀多所違失故史官不用

晉書天文志序曰古言天者有三家一曰蓋天周髀者即蓋天之說也其本庖犧氏立周天歷度其所傳則周公受於股而周人志之故曰周髀髀股也股者表也其言天似蓋笠地法覆槃天地各中高外下三光隱映以爲晝夜日所行道爲七衡六間每衡周經里數各依算術用勾股重差推晷影極游以爲遠近之數皆得於表股者也故曰周髀

宋書天文志曰三天之儀紛紛莫辨至揚雄方難蓋通渾渾雖難其入事鄭玄又難其一事爲蓋天之學者不能通也

隋書天文志曰其後桓譚鄭玄蔡邕陸續各陳周髀考驗天狀多有所違逮梁武帝於長春殿講義別擬天體全同周髀之文蓋立新意以排渾天之論而已

禮記月令疏曰天地說有多家一曰蓋天文見周體如蓋在上

隋志子部天文家周髀一卷趙嬰注唐經籍志同藝文志趙嬰注周髀一卷宋史志算類趙君卿周髀算經二卷

四庫提要曰周髀算經二卷是書首章周公與商高問答實句股之算祖故御製數理精蘊載在卷首而詳釋之稱爲成周六藝之遺文古蓋天之學此其遺法蓋渾天如移寫星象於

外人自天外觀天蓋天如笠寫星象於內人自天內觀天笠形半圓有如張蓋故稱蓋天合
地上地下兩半圓體卽天體之渾圓矣其法失傳已久故自漢以迄元明皆主渾天明萬歷
中歐羅巴人入中國始別立新法號爲精密然其言地圓卽周髀所謂地法覆槃滂沱四隤
而下也其言南北里差卽周髀所謂北極左右夏有不釋之冰物有朝生暮獲中衡左右冬
有不死之草五穀一歲再熟是爲寒暑推移隨南北不同之故及所謂春分至秋分極下常
有日光秋分至春分極下常無日光是爲晝夜永短隨南北不同之故也其言東西里差卽
周髀所謂東方日中西方夜半西方日中東方夜半晝夜易處如四時相反是爲節氣合朔
加時早晚隨東西不同之故也古者九數惟九章周髀二書流傳最古固術數家之鴻寶也
四庫簡明目錄曰是書爲相傳古本莫知誰作其算法爲句股之祖其推步卽蓋天之術歐
羅巴法實從此出

儀徵阮元時人傳曰言天者三家以蓋天爲最古劉智謂顓頊造渾天黃帝爲蓋天蓋先於
渾是其證已以句股量天始見於周髀後人踵事增脩愈推愈密而乃喻古率爲掬疏毋乃
既成大轆而棄推輪

宣夜

續漢天文志注蔡邕表志曰言天體者有三家一曰周髀二曰宣夜宣夜之學絕無師法
晉虞喜安天論曰言天體者三家渾蓋之術具存而宣夜之法絕滅又曰宣夜或人姓名猶
星家有甘石也又曰宣明也夜幽之數其術兼之故云宣夜蓋道養渾天記曰宣夜夏殷之

法也

晉書天文志宣夜之書云惟漢秘書郎郗萌記先師相傳云天丁無形質仰而瞻之高遠無極眼昏精絕故蒼蒼然也譬之旁望遠道之黃山而皆青俯察千仞之深谷而獨黑夫青非真色而黑非有體也日月衆星自然浮生空虛之中其行其止皆須氣焉是以七曜或游或住或順或逆伏見無常進退不同由乎無所根繫故各異也故辰極常居其所而北斗不與衆星西沒也攝提填星皆東行日行一度月行十三度遲疾任情其無所繫繫可知矣若覆附天體不得爾也咸康中會稽虞喜因宣夜之說作安天論

禮記月令疏曰三曰宣夜舊說云殷代之制其形體事義無所出以言之

阮元時人傳論曰宣夜之說謂七曜不綴附天體夫既不附天體則七曜各自有其高下可知今西人言日月五星各居一天俱在恆星天之下卽不綴附天體之謂意其說或出於宣夜與

渾天

續漢天文志注蔡邕表志曰言天體者有三家一曰周髀二曰宣夜三曰渾天惟渾天近得其情今史官所用候臺銅儀則其法也立八尺圓體之度而具天地之象以正黃道以察發歛以行日月以步五緯精微深妙萬世不易之道也官有其器而無本書前志亦闕而不論臣求其舊文連年不得

太平御覽天部渾儀篇王蕃渾天說曰渾天之作出來尙矣考之於天信而有微舊說天地

之體狀如鳥卵天苞地外翳殼之裏黃也周遍如彈丸故曰渾天言其形體渾渾如也又曰渾天遺周秦之亂師徒斷絕而喪其文唯渾儀常在候臺是以不廢故其揚權可得而言至於纖微委曲闕而不傳蔡邕以爲精微深妙百世不易之道

禮記月令疏曰二曰渾天形如彈丸地在其中天包其外猶如雞卵白之繞黃揚雄桓譚張衡蔡邕陸績王肅鄭玄之徒並所依用

按宣夜渾天據諸家之說則周秦時未嘗無書宋書天文志云一曰宣夜二曰蓋天三曰渾天以宣夜爲第一禮疏以宣夜爲第三今從蔡邕表志

太初員儀

揚子法言重黎篇或問渾天曰落下閎營之鮮于妄人度之耿中丞象之幾乎幾乎莫之能遠也李軌曰幾近也落下閎爲武帝經營之鮮于妄人又爲武帝算度之耿中丞名壽昌爲宣帝考象之言乎近其理矣談天者無能遠也宋咸曰漢落下閎鮮于妄人耿壽昌算造圓儀以考縣度

宋書天文志曰揚雄法言云或人問渾天於雄雄曰落下閎營之鮮于妄人度之耿中丞象之幾幾乎莫之遠也若問天形定體渾儀疎密則雄應以渾儀答之而舉此三人以對者則知此三人製造渾儀以圖暑緯問者蓋渾儀之疎密非問渾儀之淺深也以此而推則西漢長安已有其器矣將由喪亂亡失故張衡復造之乎

晉書天文志儀象篇曰春秋文曜鉤云唐堯卽位羲和立渾儀此則儀象之設其來遠矣縣

代相傳史官禁密學者不觀故宜畫涕膜雙漢太初落下閎鮮于妄人耿壽昌等造員儀以
考厥度

隋書天文志曰古舊渾象以二分爲一度周七尺三寸半而真知何代所造今案虞喜云落
下閎爲漢孝武帝於地中轉渾天定時節作泰初曆或其所製也又曰河間劉棹論渾天云
瑞璣玉衡正天之器帝王欽若世傳其象漢之孝武詳考律曆糾落下閎鮮于妄人等共所
營定逮於張衡又尋述作亦其體制不異閎等

按隋書以四分爲一度周七尺三寸半而真知何代所造今案虞喜云落

按落下閎見後曆譜鮮于妄人昭帝時爲主曆使者元鳳三年當奉詔詰問張壽王麻術
見漢曆志耿壽昌宣帝時爲大司農中丞善爲算習於商功分株之事五鳳中奏起常平
倉賜爵關內侯見食貨志而藝文志有耿昌月行帛圖二百三十二卷耿昌月行度二卷
嚳人傳云耿昌卽耿壽昌續漢志賈逵論麻曰案甘露二年大司農中丞耿壽昌奏以圖
儀度日月行考驗天運狀云云圖儀者卽此圖儀壽昌用以步日月別爲彼二書也

黃帝五星傳

續漢天文志序曰星官之書自黃帝始

晉書人文志序曰黃帝創受河圖始明休咎故其星傳尙有存焉

隋志子部天文家黃帝五星占一卷

王應麟漢志攷證曰天文志引星傳曰日者德也月者利也又曰客星守招搖蠻夷有亂又
引月南入牽牛戒月入畢五行志劉向以爲星傳曰心大星天王也其前星太子後星庶子

也

按王氏攷證從漢志所引題曰星傳今攷晉志言黃帝星傳隋志有黃帝五星占又開元占經卷十載日蝕條引五星傳云日者德月者刑日蝕修德月蝕修刑與班志引星傳語同知其書名黃帝五星傳稱星傳者省文也又續漢天文志注引黃帝星經黃帝經黃帝占亦卽此書

又題此在黃帝星經三十三篇中然則無庸疑今故從王氏攷證所補篇之

夏氏日月傳

王應麟漢志攷證曰天文志引夏氏日月傳曰日月食盡主位也不靈臣位也又玉海天文類曰乾象新書引夏氏占

按夏氏不知何人開元占經凡日占月占客星占妖星占皆引夏氏凡四十餘條又引夏氏日暈圖七錄有許氏撰夏氏日旁雲氣四卷蓋許氏傳述其占法知其書亦兼言五星及星氣雲氣七錄兵家又有黃帝夏氏占氣六卷通志略作夏后氏未詳

又按張彥遠歷代名賢記卷三述古來秘書珍圖有占日雲氣圖注云京兆夏氏魏氏並有蓋相傳其家素著者又似卽此夏氏京兆人

其云京兆夏氏魏氏蓋其家素著者又似卽此夏氏京兆人

巫咸五星占一卷

史記封禪書湯八世至帝太戊有桑穀生於廷一暮大拱懼伊陟曰妖不勝德太戊脩德桑穀死伊陟贊巫咸巫咸之興自此始又天官書曰昔之傳天數者殷商巫咸張守節曰巫咸殷賢臣也本吳人家在蘇州常熟海隅山上子賢亦在此也

唐書中有人云巫咸在第二星則

尙書咸有一德釋文馬融曰巫男巫也名咸殷之巫也

張澍世本轉注曰世本巫咸作箕宋衷注巫咸不知何時人澍按古史考殷巫咸善占策書序伊陟贊巫咸作咸又四篇外國圖云昔殷帝太戊使巫咸禱於山河說文巫咸初作巫王逸楚辭注巫咸古神巫也當殷中宗之時又越絕書云處山者巫咸所出也虞故神出奇怪此史記正義所本隋志有巫咸五星占一卷是其人善星曆審矣時又曰澍注於巫咸五星占卷中

晉書天文志序曰至於殷之巫咸周之史佚格言遺記於今不朽

隋書經籍志巫咸五星占一卷

玉海天文類景祐乾象新書云巫咸中官星九座共三十一星列躔至虎賁外官星二十座共九十五星陽門至土司空紫微垣星四座共一十八星御女至鉤陳牛星見文小異

占星通元寶鏡一卷題曰巫咸氏豈卽是書之異名歟

甘氏星經

史記天官書曰昔之傳天數者在齊甘公徐廣曰或云甘公名德也本是魯人張守節曰七錄云楚人戰國時作天文星占八卷

按史記張耳陳餘傳云張耳敗走欲之楚甘公曰漢王之入關五星聚東井東井者賽分也先至必霸楚雖彊後必屬漢故耳走漢是甘公楚漢時人或是戰國時甘公之後漢志攷證據周禮注題曰甘氏歲星經今考說文女部孺字下引甘氏星經知星經其總名歲星經其篇目也七錄之天文星占似星經之異名今從說文

續漢天文志序曰魏石申夫一作石中允又作唐因字誤屬之下文夫何意不覺齊國甘公皆掌天文之官仰占俯視以佐時政步變通微通洞密至杲嗣福之原觀成敗之勢乘燁詩書以墨百姓六經典籍殘爲灰炭星官之書全而不毀

晉書天文志序曰其諸侯之史則魯有梓慎晉有卜偃鄭有裨處宋有子章齊有甘德楚有

唐昧趙有尹舉魏有石中夫皆掌著天文各論圖驗其巫咸甘石之說後代所宗

隋書天文志序曰三國時吳太史令陳卓始列甘氏石氏巫咸三家星官著於圖錄并注占
數總有二百五十四官一千二百八十三星并二十八宿及輔官附坐一百八十二星總二
百八十三官一千五百六十五星

隋書經籍志石氏渾天圖一卷石氏星簿經緯一卷梁有石氏甘氏天文占各八卷唐經籍
志石氏星經簿讀一卷石中甫撰藝文志石氏星經簿讀一卷注云石中唐日本國見在書
目石氏中官占三卷上中下石氏星經簿讀二卷星經流占二卷石氏撰

玉海天文類乾象新書云石中列舍星二十八座共一百六十六星角至軫中官星五十四
座共三百一十八星招搖至耶將外官星三十八座共二百七十一星平星至長沙紫微垣
星一十二座共五十四星紫微垣至文昌

漢志攷證曰史記天官書索隱曰歲星在寅正月晨見東方之名已下皆出石氏星經天文
志彙載甘氏後漢鄭顯傳引石氏經屬禮疏月令正義引石氏星經

按御覽二百三十五引應劭漢官儀曰當春秋時魯梓慎晉卜偃宋子章鄭裨臨觀乎天
文以察時變其言屢中有備無害漢興甘石唐都司馬父子抑亦次焉據此則甘石二家
並漢初人史記亦載張耳以甘公之言歸漢似甘石皆生於六國至漢初猶存張倉亦生
於六國並爲同時人歟此二家書開元占經引之尤夥并及其書文今有甘石星經二卷
乃唐宋人輯錄嘗編入道藏號曰通占大象歷星經

唐昧稱星經

史記天官書曰昔之仰天數者在齊甘公楚唐昧又曰畢唐甘石因時務論其書傳故其占

驗凌雜米鹽作漢書

崇文總目脈數類稱星經一卷唐昧撰通志略脈數雜星脈門稱星經一卷唐昧撰

按唐昧始末未詳世系魯定公五年楚滅唐子孫以國爲氏分仕晉楚史記楚世家懷王二十八年秦與齊韓魏共攻楚殺楚將唐昧不知卽此唐昧否也天官書又云漢之爲天數者星則唐都都或昧之後世傳其學者歟史言畢唐甘石因時務論書傳則昧有書可知此或昧書之殘臘前史不載始見於崇文目眞僞不可攷姑從而錄之晁氏志五行家宋志天文家別有稱星經三卷乃星命之術非此書也

劉歆曜麻歆始末見六藝典書家

文選齊敬皇后哀策文軒曜懷光注引淮南子曰軒較者帝妃之舍高誘曰軒較星也劉歆有曜麻

按淮南子此語見天文訓今本無高誘此注劉歆有曜麻當是李善語善在唐初多見古書所言當得其實因據以著錄曜麻卽七曜麻之類

又按劉向傳云向夜觀星宿或不寐達旦王莽傳歆爲王涉言天文人事東方必成乃謀共起持莽東降南陽天子歆曰當待太白星出乃可歆死後漢書曰太白星出莽大驚又知入天子庭也又莽子廋妻情國師公女能爲星語臨宮中且有白衣會是劉氏父子並善

天文歌女亦知星蓋得之於父歆有曜麻之書於是乎益信

右天文凡一十一家一十一部

京房律術 房始創京氏子法家

漢書本傳房好鍾律知音聲又曰房本姓李推律自定爲京氏

續漢書律志漢興北平侯張敖首治律歷孝武正樂置協律之官至元始中博徵通知鍾律者考其意義義和劉歆典鍾條奏前史班固取以爲志而元帝時郎中京房字君明知五聲之音六律之數上使太子太傅韋玄成陳議大夫韋雜試問房於樂府房對受學故小黃令焦延壽六十律相生之法房又曰竹聲不可以度調故作準以定數準之狀如瑟長丈而十三絃隱間九尺以應黃鍾之律九寸中央一絃下有畫分寸以爲六十律清濁之節房言律詳於歆所奏其術施行於史官候部用之又曰截管爲律吹以考聲術家以其聲微而體難知其分數不明故作準以代之準之聲明暢易達分寸又蟲然弦以緩急清濁非管無以正也均其中弦令與黃鍾相得案畫以求諸律無不如數而應者矣音聲精微錄之者鮮元和元年待招候鍾律殷彤上言官無曉六十律以準調音者熹平六年東觀召典律者太子舍人張光等同準意光等不知歸閱舊藏乃得其器形制如房書猶不能定其弦緩急音不可書以時人知之者欲改而無從心達者體知而無師故史官能辨清濁者遂絕其可以相傳者唯大推常數及候氣而已

晉書律志京房始創六十律至章帝時其法已絕蔡邕雖追紀其言亦曰今無能爲者又曰

續漢志具載其六十律準度數其相生之次與呂覽淮南同

隋書律志開皇時故陳山陽太守毛爽著律譜云至於元帝自曉音律郎官京房亦達其妙因使韋玄成等雜試問房房自叙云學焦延壽用六十律相生之法以上生下皆三生二以下生上皆三生四陽下生陰陰上生陽乃還相為宮之正法也於後劉歆與傾條奏著其始末理漸研精班氏漢志盡歆所出也司馬彪志並房所出也

玉海律歷篇曰陳毛爽受京房律法布管飛灰順月皆驗爽兄喜陳武帝時以十二管衍為六十律私候氣序並有徵應隋開皇九年遺爽及太樂令蔡子元等候節氣令爽草定其法名曰律譜而牛弘論六十律不可行

按京房造律法并作律準自後漢以迄六朝律歷家並述其法續漢律志載其書而漢隋

唐藝文經籍志皆不著錄今據續漢志所稱題曰律術

太平御覽卷一百一十五律術三卷不著撰人蓋

京房所著

顓頊甲寅元曆

宋書曆志祖冲之曰按五紀論顓頊夏曆並有二曆又曰顓頊曆元歲在乙卯而命曆序云此術設元歲在甲寅此可疑也

烏程汪曰慎古今推步諸術考曰顓頊甲寅元術積年無考新唐書志顓頊術上元甲寅歲正月甲寅歲初合朔立春七曜皆直良維之首命曰顓頊其實夏術也其後呂不韋得之以為秦法更攷中星斷取近距以乙卯歲正月己巳朔立春為上元按祖冲之曰顓頊曆元歲

在乙卯而命曆序云此術設元歲在甲寅則此術與殷術甲寅元並出命曆序也沖之又曰案五紀論顓頊夏周並有二術當卽指此及眞夏眞周術也

按此曆及眞夏眞周二曆並在漢志所載六曆之外

虞曆

續漢書曆志論曰黃帝造曆元起辛卯而顓頊用乙卯虞用戊午夏用丙寅殷用甲寅周用丁巳魯用庚子漢興承秦初用乙卯至武帝元封作太初曆元以丁丑劉歆作三統元以庚戌

汪曰植古今推步諸術考虞術上元戊午積年無攷按續漢志云虞用戊午是六術之外更有虞術矣然漢藝文志尹咸所校曆譜十八家中無虞術殆以大戴禮記虞夏之曆建正於孟春故於夏術之外又託爲虞術歟

眞夏曆

眞周曆

晉書曆志常陽侯杜預著春秋長曆說云仲尼邱明每於朔閏發文並矯正得失因以宣明曆數也自古已來諸論春秋者多述謬誤或造家術或用黃帝已來諸曆以推經傳朔日皆不講合春秋三十七日蝕夏曆得十四蝕眞夏曆得一蝕周曆得十三蝕眞周曆得一蝕漢末宋仲子集七曆以考春秋案其夏周二曆術數皆與藝文志所記不同故更名爲眞夏眞周曆也

汪曰積推步諸術考真夏術真周術並見杜氏春秋釋例真夏術上元丙寅積年無攷按續漢志謂夏用丙寅知此術以丙寅爲元又或疑卽顓頊甲寅元術無可考矣真周術上元積年並無攷

張蒼律術

晉書卷六十四律曆志

史漢本傳蒼自秦時爲柱下御史明習天下圖書計籍又善用算律曆爲計相時緒正律曆以高祖十月始至霸上故因秦時本十月爲歲首不革推五德之運以爲漢當水德之時上黑如故故漢家言律曆者本張蒼蒼尤好書無所不觀無所不通而尤達律曆贊曰張蒼文好律曆爲漢名相而專遵用秦之顓頊曆何哉

漢書曆志漢興方綱紀大基庶事草創鑒秦正朔以北平候張蒼言用顓頊曆比於六曆疏圖中最爲微近然正朔服色未覩其真而朔晦月見望滿虧多非是

阮元嶠人傳論曰漢志云漢興庶事草創鑒秦正朔以蒼言用顓頊術其術今已失傳續漢

志云顓頊元用乙卯蔡邕命論

續漢志

曰顓頊術大元正月己巳朔旦立春俱以日月起於

天廟營室五度祖冲之曰古之六術並同四分六術謂黃帝顓頊夏殷周魯然則顓頊章壽紀元之數並與四分同也開元占經曰顓頊術上元乙卯至今開元二年甲寅二百七十六萬一千一十九算外然則顓頊上元乙卯至漢元年乙未二百七十六萬一百算外也顓頊之術其大略如此、

汪曰積推步諸術攷漢初承秦制用顓頊術或云用殷術劉氏長術兩存之自漢高帝元年

乙未至武帝元封七年丁丑凡行用一百二年四月

太史官上元太初曆

汪曰積推步諸術考史記曆書術上元丁丑天正甲子朔旦冬至至漢武帝太初元年丁丑積四千五百六十年算外按劉氏長術按宋司馬光字仲嚴同此書今亡僅見其遺蹟五代以此爲太初術者誤玉海云以曆書大小餘計之乃古曆非太初曆也曰積案此術節首歲名與周術同惟上元積年不同耳

按曆書曰昔自在古曆建正作於孟春索隱曰案古曆者謂黃帝調曆以前有上元太初曆等皆以建寅爲正謂之孟春也律曆志云繼造漢曆迺以前曆上元泰初四千六百一十七歲至於元封七年復得太初本星度新正願募治曆者更造密度各自增減以造漢太初曆是漢太初曆因前曆之法以爲法亦因前曆之名以爲名曆書所載迺即上元泰初曆也小司馬謂有黃帝調曆以前蓋爲是曆者上推積年在黃帝之前非真在調曆以前也

又按錢氏大昕三統術衍序曰史記所述甲子篇乃張騫王所治之殷曆非太初本法也攷漢書曆志云書王曆乃太史官殷曆也然則此曆乃太史官相傳有此術法亦名上元太初曆與藝文志所載殷曆元不同蓋別是一術汪氏諸術攷云漢初承秦制或云用殷術或云用顓頊術按張蒼用顓頊曆史有明文或以爲用殷術者殆以漢志稱前曆遂謂曆書所載即太初以前所用之曆實不然也

按漢志引五經論五氏國亦有黃帝曆此

此又與元封七年漢興百二歲矣大中大夫公孫卿查遂太史令司馬遷等言縣紀

漢太初縣

史記縣書今上即位招致方士唐都分其天部而巴落下閭運算轉縣然後日辰之度與夏

正同

漢書縣志武帝元封七年漢興百二歲矣大中大夫公孫卿查遂太史令司馬遷等言縣紀
壞廢宜改正朔遂詔卿遂遷與侍郎卿大典星射姓等議造漢縣姓等奏不能為算願專治
縣者更造密度各自增減以造漢太初縣運算治縣鄧平及長樂司馬可酒泉候宜君侍郎
尊及與民間治縣者凡二十餘人方士唐都巴郡落下閭與焉都分天部而閭運算轉縣其
法以律起縣與鄧平所治同運詔用鄧平所造八十一分律縣縣廢尤疏遠者十七家復使
校律皆明官者次干陵渠復覆太初縣縣朔望皆最密日月如合璧五星如連珠陵渠奏
狀遂用鄧平縣以平為太史丞又兒寬傳拜寬為御史大夫從東封泰山後太史令司馬遷
等言縣紀壞廢漢興未改正朔宜可正上乃詔寬與遷等共定漢太初縣又公孫宏卜式兒
寬傳贊曰縣數則唐都洛下閭是時時雖大不見其人
晉書縣志秦并天下頗推五勝自以獲水德之瑞用十月為正漢氏初興多所未暇百有餘
載變秦正朔爰及武帝始詔司馬遷等議造漢縣乃行夏正

阮元嗜人傳論曰漢書載三統術而不著太初本法或疑太初與三統不同非也蓋太初術
有三統即得謂之三統術以三統術說春秋亦得謂之春秋術稱名或異其實則一而已遷

父子世太史公首建正朔之議可謂不尸其官矣主於運算推步造立法數則閏平之功居多焉閏字長公巴郡閬中人明曉天文地理隱於落亭武帝時友人同縣隴陰蕭何待詔太史更作太初曆曰後八百歲此曆差一日當有聖人定之拜侍中不受

汪曰積推步諸術考漢鄧平太初術上元庚辰天正甲子朔旦冬至至太初元年丁丑積四千六百一十七年算外此四千六百一十七卽三統術一元之數司馬彪言自太初元年始用三統術而何承天以劉歆之生不逮太初讖之蓋未明三統之卽太初也何承天之說見宋本注又曰自武帝太初元年丁丑始用此術以正月爲歲首迄孺子始初元年戊辰凡一百

一十二年新王莽亦用此術自始建國元年己巳以建丑月爲正月迄地皇四年癸未凡一十五年後漢亦用此術自淮陽王更始元年癸未仍以正月爲歲首迄章帝元和二年甲申凡六十二年統計丁丑至甲申中大凡行用一百八十八年按此蓋西漢之太初曆也

四分術

錢大昕漢書攷異曰四分之術後漢始行今劉子駿三統術亦著其說則西京已有之矣淮南天文訓所述甲寅元亦與四分同亦見三統術

阮元嗜人傳論曰漢書志載四分以上元至伐桀十三萬二千一百一十三歲詳見三統術下篇蓋四分之率本在三統以前東京諸儒特增脩其法而用之耳

汪曰積推步諸術攷元命苞術上元庚申天正甲子朔旦冬至乾鑿度亦有此元與元命苞同卽後漢四分術所自出也

按漢書麻志元鳳六年鮮于妄人奏張壽王妄言太初麻虧四分日之三則昭帝時已有四分麻在劉歆之前又續漢志明帝永平二年詔張盛等以四分法課歲餘四分之術始頗施行是元和改曆之前亦有四分麻官麻署據以課疏密隋志麻數家首載四分麻三卷不著撰人在李梵四分麻三卷之前其即漢以來相傳張壽王劉歆所見之本歟

帝時猶太初曆舊曆元始五年十七年改曆四分之日
衡即在十七家之內當時以為疏遠而罷之也

上林清臺候課

漢書麻志迺詔遣用鄧平所造麻後二十七年元鳳三年太史令張壽王上書言黃帝調律麻漢元年以来用之今陰陽不調宜更麻之過也詔下主麻使者鮮于妄人詰問壽王不服妄人請與治麻大司農中丞麻光等二十餘人雜候日月晦朔弦望八節二十四氣鈞校諸麻用狀宋書曰為校奏可詔與丞相御史大將軍右將軍史各一人雜候上林清臺課諸麻疏密凡十一家以元鳳三年十一月朔旦冬至盡五年十二月各有第書王課疏遠案漢元年不用黃帝調麻壽王非漢歷逆天道非所宜言大不敬有詔勿勅復候盡六年太初麻第一卽墨徐萬且長安徐禹治太初亦第一壽王及待詔李信治黃帝調麻課皆疏闊壽王候課比三年下謂古曰比則也下下也終不服再勅死更赦勿勅遂不更言誹謗益甚竟已下吏故麻本之驗在於天自漢麻初起盡元鳳六年三十六歲而是非堅定

續漢書麻志順帝漢安二年尙書侍郎邊韶上言孝武皇帝據發聖恩詔司馬遷鄧平等更建太初改元易朔行夏之正設清臺之候驗六異課效捕密太初爲最靈帝熹平四年議耶

蔡邕議曰黃帝氏始用太初丁丑之元有六家紛錯爭訟是非太史令張壽王挾甲寅元以非漢曆雜候清臺課在下第卒以疏闊違見劾奏太初效驗無所漏失

宋書曆志元嘉二十年太子率更令何承天上表曰漢代雜候清臺以曆明中星課日所在雖不可見月盈則蝕必當其衝以月推日則課次可知焉捨易而不爲役心於難事此臣所不解也

按清臺候課猶史官注記之類據續漢志則邊韶蔡邕尙見其書至宋何承天僅傳其遺事而其書則云不可見矣

劉向五紀論 向新未具六國曆家

史記宋微子世家武王既克殷訪問箕子箕子對曰天錫禹鴻範九等四曰五紀一曰歲二曰月三曰日四曰星辰五曰曆數

漢書曆志至周武王訪箕子箕子言大法九章而五紀明曆法故自殷周皆創業改制咸正曆紀服色從之順其時氣以應天道三代既沒五伯之末史官喪紀囂人子弟分散或在夷狄故其所記有黃帝顓頊夏殷周及魯歷至孝成世劉向總六曆列是非作五紀論

續漢書曆志賈逵論曆曰五紀論日月循黃道南至牽牛北至東井率日行一度月行十三度十九分度之七也延光論曆曰五紀論推步行度當時比諸術爲近然猶未稽於古漢安論曆曰洪範五紀論曰民間亦有黃帝諸曆不如史官記之明也

宋書曆志祖沖之曰按五紀論黃帝曆有四法顓頊夏周並有二術又曰夏曆七曜西行特

違衆法劉向以爲後人所造

王應麟漢志攷證曰書正義云古時真曆遭戰國及秦而亡漢存六曆雖詳於五紀之論皆秦漢之際假托爲之又曰詩正義云劉向五紀論載殷曆之法唯有氣朔而已
嚴可均全漢文編曰五紀論見宋晝天文志又見乾象通鑑十六

按開元占經日晷影篇於冬至春分夏至秋分引劉向言晷影尺寸當是五紀論中文

劉歆三統曆譜三卷 歆傳宋其六篇書家

漢書本傳典儒林史卜之官考定律曆著三統曆譜又贊曰劉氏鴻範論發明大傳著天人之應七略剖判藝文總百家之緒三統曆譜考步日月五星之度有益其推本之也

漢書曆志劉向總六曆列是非作五紀論向子歆究其微眇作三統曆及譜以說春秋推法密要故述焉

後漢書鄭興傳興善左氏傳天鳳中將門人從劉歆講正大義歆美興才使撰條例章句訓詁及校三統曆興子衆從父受左氏春秋精力於學明三統曆章懷太子曰三統曆謂夏殷周曆也

隋志子部曆數家梁又有三統曆法三卷劉歆撰唐經籍志三統曆一卷劉歆撰藝文志劉歆三統曆一卷

錢大昕三統術衍自序曰古術之可攷者當以三統爲首三統之術本之太初又追前世一元五星會牽牛之初以爲太極上元參之易象以窮其源微之春秋以求其驗班孟堅以爲

推法密要服子慎章宏嗣亦取以解春秋內外傳

阮元刻錢氏三統術衍序曰推步術見於廿四史志者以漢書劉歆三統術爲最古其日法斗分並與太初術同蓋歆卽因落下閎鄧平之法而增脩者也其法以統術推氣朔日月以紀術步五星以歲術求歲星太歲綱舉目張規模大備世經一篇考驗炮機以來有涉步算之事一一符合固漢氏一代之故事而步術七十餘家之權輿也

阮元疇人傳論曰三代推步之書秦火而後無復遺餘及今可攷而知者自歆三統始也論其爲術之善厥有數端四分以後太歲一歲一名而三統推歲星以百四十四年行百四十五次太歲與歲星恆相應有超辰之法一也四分二十四氣中節與今不殊而三統則以驚蟄爲正月中雨水爲二月節穀雨爲三月節清明爲三月中合於夏小正正月啓蟄之文二也上世積年荒遠難稽史記託始共和最爲有徵三統世經所載自文王四十二年以後歲歲相接更在共和之前攷古者得以有所據依三也歆父子相繼領校秘書世經所稱伊訓武成等文必真古文以有裨經學四也至於臚列尙書春秋古來有涉步算之事一一推合以明其術之有驗於古班固稱爲推法密要後世諸儒用以說經蓋誠有所取爾也惟述統母之生多傳合易卦鍾律案以算理實多未然云云

汪曰楨推步諸術考按太初曆一元有三統故名三統術以三統術說春秋卽謂之春秋術杜預言劉子駿造三正術以修春秋是又名三正也姜岌言服虔解傳用太極上元太極上元乃三統術劉歆所造元也是又名太極也

按杜征南長麻說云自古論春秋者或造家術或用黃帝諸麻此卽家術之類也或以爲

王莽用三統麻非是

太史公萬歲麻一卷

史記自序司馬氏世典周史談爲太史公太史公學天官於唐都受易於楊何習道論於黃子太史公仕於建元元封之間有子曰遷仕爲郎中奉使巴蜀以南南略卬窄昆明還報命是歲天子始建漢家之封按元即元年而太史公留滯周南不得與從事故發憤且卒執遷手而泣曰自獲麟以來四百有餘歲而諸侯相兼史記放絕今漢興海內一統明主賢君忠臣死義之十餘爲太史而弗論載廢天下之史文余其懼焉汝其念哉

裴駰引臣瓚漢書音義曰茂陵中書司馬談以太史丞爲太史令按漢書曰太史令秩六百石掌天時星歷凡歲時節氣朔不廢

隋志子部五行家太史公萬歲麻一卷唐經籍志太史公萬歲麻一卷司馬談撰唐藝文志

太史公萬歲麻一卷注云司馬談

王莽王光上戊麻

漢書王莽傳天鳳六年春莽見盜賊多乃令太史推三萬六千歲麻紀六歲一改元布天下明年改元曰地皇從三萬六千歲麻號也地皇二年莽下書曰惟民困乏雖溥開諸倉以賑贈之猶恐未足其且開天下山澤之防勿令出稅至地皇三十年如故是王光上戊之六年也孟康曰戊土也莽所作麻名按漢書王莽傳天鳳六年春莽見盜賊多乃令太史推三萬六千歲麻號也地皇二年莽下書曰惟民困乏雖溥開諸倉以賑贈之猶恐未足其且開天下山澤之防勿令出稅至地皇三十年如故是王光上戊之六年也孟康曰戊土也莽所作麻名

不與者又云一收年上光上戊中土六次收年也年或元字之誤

後漢書陳寵傳移檄告郡國曰昔秦始皇毀壞益法以一二數欲至萬世而莽下三萬六千歲之麻言身當盡此度循亡秦之軌推無窮之數是其逆天之大罪也

按太史公及王莽二條猶今萬年麻之類

九章算術九篇

世本曰錄首作算數宋衷曰錄首黃帝史也張衡注曰錄首作九章算數博物志黃帝臣一云黔如卽錄首呂氏春秋云黔如爲虛首史言作算之始者也漢律志算法用竹徑一分長寸六二七十一枚而成六觚爲一握徑象乾律黃鍾之一而長象坤呂林鍾之長

周禮保人乃教之六藝六曰九數鄭氏曰九數方田粟米差分少廣商功均輸方程贏不足旁要今有重差夕桀句股也賈公彥曰云九數者方田以下皆依九章算術而言云今有重差夕桀句股也者此漢法增之

馬千有少桀無句股

阮元嗜人傳論曰劉徽稱九章爲九數之流則九數與九章自別賈公彥釋鄭氏注云今有重差夕桀句股也者此漢法增之非也蓋方田粟米差分少廣商功均輸方程贏不足旁要今有重差夕桀句股者九數之篇名方田粟米差分少廣商功均輸贏不足方程句股者九章之目今有別爲一術不得以今爲指謂漢時也

晉劉徽注本序曰周公制禮而有九數九數之流則九章是矣漢北平侯張蒼大司農中丞

耿壽昌皆以善算命世著等因舊文之遺殘各稱刪補故校其目則與古或異而所論多近

語也

時人傳述曰漢書水經人具所傳者多屬附會之遺施行當與水經人具所傳者多屬附會

隋書經籍志九章算術十卷劉徽撰

一卷上卷

九章算經二十九卷徐岳甄鸞等撰

劉徽所注

唐書藝文志徐岳九章算術九卷甄鸞九章算經九卷宋志注九章算經九卷

魏劉徽唐李淳風注

吳氏讀書志曰九章算經九卷未詳撰人姓名或曰周公九章者一方田二算粟三衰分四少廣五商功六均輸七盈不足八方程九勾股魏劉徽唐李淳風當爲之注則此術起於漢之前矣

四庫提要曰九章算術蓋周禮保氏之遺法不知何人所傳宋樂大典引古今事通曰王孝通言周公制禮有九章之名其理幽而微其形秘而約張蒼刪補殘闕校其條目頗與古術不同云云今考書內有長安上林之名知述是書者在西漢中葉後矣按長安上林當舊本有注題曰劉徽所作又有注釋題曰李淳風作算數莫古於九數九數莫古於是書雖新法屢更愈推愈密而窮源探本要百變不離其宗固古今算學之弁冕矣

孫子算經三卷

序曰夫算者天地之經緯羣生之元首五常之本末陰陽之父母星辰之建號三光之表裏五行之準平四時之終始萬物之祖宗六藝之綱紀羣倫之聚散攷二氣之升降推一寒暑之迭運步遠近之殊同觀天道精微之張基察地理縱橫之長短采神祇之所在極成以之符

驗窮道德之理究性命之情立規矩準方圓誦法度約尺寸立權衡平輕重剖毫釐析黍稬歷億載而不朽施八極而無疆散之不可勝究歛之不盈掌握嚮之者富有餘背之者貧且蹇心開者幼冲而即悟意閉者皓首而難精夫欲學之者必務量能揆已志在所專如是則焉有不成者哉

隋書經籍志孫子算經二卷唐經籍志孫子算經三卷甄鸞撰注藝文志李道鳳注甄鸞孫子算經三卷宋史志李道鳳注釋孫子算經三卷又孫子算經三卷注云不知名

四庫提要曰唐之選舉算學孫子五曹共限一歲習肄於後來諸算術中特爲近古第不知孫子何許人朱彝尊曝書亭集五曹算經跋云相傳其法出於孫武然孫子別有算經考古者存其說可爾又有孫子算經跋云首言度量所起合乎兵法地生度度生量量生數之文大言乘除之法設爲之數十三篇中所云隙地分利委積遠輸貴賈兵役分數比之九章方田粟米差分商功均輸盈不足之目往往相符而其要在得算多多算勝以是知此篇非僞託也云云合二跋觀之彝尊之意蓋以爲確出於孫武今考書內設問有云長安洛陽相去九百里又云佛書二十九章章六十三字則後漢明帝以後人語注明帝時佛經四十二卷此二上之佛經有孫武春秋末人安有是語乎舊本久佚今從水樂大典所載真集編次仍爲三卷其題李二家之注則不可復考是則姚廣孝等割裂刊削之過矣

阮元瞻人傳論曰朱竹垞以孫子算經爲孫武作戴東原以書中有長安洛陽相去及佛書二十九章語斷爲漢明帝以後人然術數之書類多附益如卷末推孕婦所生男女郡陌荒

誕必非孫子正文或恐傳習孫子者轉展增加失其本真今但題作孫子不稱孫武而附於
周末以志闕疑其書詳說乘除開方可以考見古人從橫布算之式下卷物不知數三三數
之五五數之七七數之一問爲九章所未及宋秦道古數學九章大衍求一法蓋出於此也
右歷譜凡一十六家一十六部世新書志有內九章重
本一卷乃劉徽之譜不詳

夫此一新
世乃志
劉有
數之
誠九
不章
緒中

翼奉風角要候十一卷

漢書本傳奉字少君東海下邳人也治齊詩與蕭望之匡衡同師少師匡衡同師三人經術皆明衡爲後進望之施之政事而奉愷學不仕好律曆陰陽之占元帝初卽位諸儒薦之徵待詔宦者署數言事宴見天子敬焉以奉爲中郎上復延問得失奉以爲祭天地於雲陽汾陰及諸寢廟不以親疏迭毀皆煩費違古制其後貢禹亦言當定迭毀禮上遂從之及匡衡爲丞相奏徙南北郊其議皆自奉發之奉以中郎爲博士諫大夫年老以壽終子及孫皆以學在儲官

三人經術

漢書列傳第四十五贊曰漢興推陰陽言災異者李武時有董仲舒夏侯始昌昭宣則眭孟夏侯勝元成則京房翼奉劉向谷永哀平則李尋田終術此其納說時君著明者也察其所言彷彿一端假經設誼依託象類或不免乎億則屢中仲舒下吏夏侯囚執後漢書眭孟誅戮李尋流放此學者之大戒也京房區區不量淺深危言刺譏構怨張臣罪辜不旋踵亦不密以夫身悲夫

後漢書郎顗傳注曰風角謂候四方四隅之風以占吉凶

隋志子部天文家翼氏占風一卷五行家風角要候十一卷翼奉撰風角鳥情一卷翼氏撰
風角雜占五音圖五卷翼氏撰梁十三卷翼奉撰亡唐經籍志風角要候一卷翼奉撰藝文
志翼奉風角要候一卷本傳注晉角引翼氏
曰五行圖爲五音

王應麟漢志攷證曰奉本傳注引翼氏風角郊祀志注引翼氏風角蔡邕傳注翼氏風角曰
風者天之號令所以謹告人君者按翼氏傳注
此翼氏文

按文選鮑明遠雜詩注初學記人部藝文類聚政治部御覽刑法部並引翼奉風角書蕭
吉五行大義數引翼奉說似卽此書大抵風角要候隨志題翼奉撰者是其本書占風鳥
情雜占五音圖題翼氏者似術家編錄之別本其十三卷者似合京房書爲一帙也

京房風角要占八卷唐初京房撰于注家

晉書天文志漢京房著風角書有集星章所載妖星皆見於月旁互有五色方雲以五寅日
見各有五星所生云云

隋志子部五行家風角要占三卷梁八卷京房撰梁有風角五音占五卷京房撰又風角雜
占五音圖十三卷京房撰

按初學記卷一引京房風雨要決占候御覽卷八引京房風角要訣其文並同知爲一書
又御覽七百十七引風角要占歷盜賊法又八百七十二引風角占似亦出是書又風角
五音占五卷似其別本雜占五音圖十三卷則合翼氏書爲一編者

京房方正百對一卷

隨志子部五行家方正百對一卷京房撰

按元帝本紀初元三年詔舉明陰陽災異之士者各三人於是言事者衆或進擢召見人
人自以得上意以京房傳證之則房以孝廉應是舉次年授爲郎後三歲爲永光二年詔
舉賢良直言之士蓋卽賢良方正又二歲詔公卿大夫對時房在朝後三年拜魏郡太守
去月餘徵下獄棄市此書名方正百對者或因房舉賢良方正其門弟子襲錄奏對之語
題以此名歟藝文類聚諸書多引京房別對災異嚴氏文編輯存三十二條又有律術對
五條疑卽是書之篇目

右五行凡二家三部

京房傳證之則房以孝廉應是舉次年授爲郎後三歲爲永光二年詔舉賢良直言之士蓋卽賢良方正又二歲詔公卿大夫對時房在朝後三年拜魏郡太守去月餘徵下獄棄市此書名方正百對者或因房舉賢良方正其門弟子襲錄奏對之語題以此名歟藝文類聚諸書多引京房別對災異嚴氏文編輯存三十二條又有律術對五條疑卽是書之篇目

連山

周禮太卜掌三易之法一曰連山又曰巫人掌三易以辨九筮之名一曰連山

桓譚新論曰連山八萬言又曰連山藏於蘭臺

晉皇甫謐帝王世紀曰夏人因炎帝曰連山連山易其卦以純艮爲首艮爲山山上山下是
名連山空氣出內於山夏以十三月爲正人統艮漸正月故以艮爲首

北史劉炫傳時牛弘奏購求天下遺逸之書炫遂僞造書百餘卷題爲連山易魯史記等錄
上送官取賞而去後人有訟之經赦免死坐除名

經義考曰案連山歸藏漢志不載則其亡已久而鄭道元注水經引連山易云云是元魏時

尙有其書若司馬碑所注度卽劉炫僞本李淳風乙巳占所引是亦僞本連山之文今其書亦亡毛漸所序三墳首列山墳謂是連山之易更荒誕不足信也又曰黃佐六藝流別載連山錄辭云云不知本於何書豈有連山之易乃效王弼易傳之體乎作僞者拙且爲劉炫笑矣又曰杜子春以連山爲宓戲歸藏爲黃帝姚信以列山爲神農而班孟堅古令人表旣於聖人列宓戲神農黃帝又於仁人著列山歸藏不應複出乃爾

梁玉繩人表考曰列山氏歸藏氏先儒皆以爲炎黃別號則二氏重出矣但禮祭法疏引命歷序曰炎帝八世黃帝十世安知列山非炎帝初封黃帝爲諸侯之號其後或遷有熊或升天子而別以族姓紹封乎故鄭注祭法云或曰有烈山氏杜注昭廿九傳云烈山神農世諸侯則歸藏可例觀也

列山氏連山氏

馬國翰輯本序曰桓譚新論稱連山八萬言蓋漢時此書尙存桓君山及見之而傳者甚少故漢隋志皆不著錄皇甫謐帝王世紀鄭道元水經注李淳風乙巳占皆引連山謠晉人道元北魏人皆在劉炫前淳風所引姁娥奔月枚箴有黃與張衡靈憲同決爲古之佚文其它以韻爲爻與易林頗似縱非古經爻與三墳所載山墳爲連山出於毛漸手序者邇不侔矣梁元帝亦有連山三十卷段成式謂每卦引歸藏卜圖立成委化集林及焦贛易林今亦亡佚或者後人稱述不能區別歟茲輯諸書所引並衆家論說爲一卷

按唐藝文志首載連山十卷司馬碑注舊唐志隋志皆無之故經義考以爲隋劉炫僞本

周禮太卜掌三易之法一曰連山二曰歸藏三曰周易其經卦皆八其別皆六十有四又曰
春人掌三易以辨九筮之名一曰連山二曰歸藏三曰周易

禮記禮運孔子曰欲觀殷道是故之宋而不足徵也吾得坤乾焉鄭氏注曰殷陰陽之書存
者有歸藏

桓譚新論曰連山八萬言歸藏四千三百言夏易煩而殷易簡又曰連山藏於闕臺歸藏藏
於太卜

賈公彥周禮疏曰殷人因黃帝曰歸藏歸藏易以純坤爲首坤爲地萬物莫不歸而藏於其
中殷以十二月爲正地統故以坤爲首又曰洪範云擇建立卜筮人三人占從二人之言蓋
筮時連山歸藏周易三易並用夏殷以不變爲占周易以變者爲占三人各占一易

隋志經部易家歸藏十三卷晉太尉參軍薛貞注又曰歸藏漢初已亡案晉中經有之唯載
卜筮不似聖人之旨以本卦尙存故取貫於周易之首以備殷易之缺唐日本國見在書目
歸藏四卷晉太尉參軍薛貞注唐經籍志歸藏十三卷殷易司馬膺撰唐書唐藝文志
歸藏十三卷不著注家名氏蓋以薛氏爲最也宋史志薛貞注歸藏三卷

崇文總目歸藏三卷晉太尉注參軍薛正注隋世有十三篇今但存初經齊母本著三篇文
多闕亂不可詳解

通志藝文略連山亡矣歸藏隋有薛貞注十三卷今所存者初經齊母本著三篇而已言占
筮事其辭質其義古後學謂爲不文疑而棄之獨不知後之人能爲此文乎

經義考曰按歸藏隋時尙存至宋猶有初經齊母本著三篇其見於傳注所引者辭皆古奧而孔氏正義謂歸藏僞妄之書亦未盡然又曰歸藏之書有本著篇亦有啓筮篇有齊母經亦有鄭母經見於郭景純山海經注隋志謂歸藏漢初已亡故班固藝文志不載又謂晉中經簿有之斯景純得援之以釋山經也

王謨輯本序錄曰今共鈔出周禮疏二條爾雅疏一條山海經注十條穆天子傳注一條莊子釋文一條楚辭補注一條文選注三條類聚四條初學記二條書鈔一條御覽十條路史注二條經義考五條附錄連山易二條

馬國翰輯本序曰今玩其道及類皆訥語奇古可誦與左氏傳所載諸錄辭相類焦氏易林源出於此雖舉日奔月頗涉荒怪然龍戰於野載鬼一車大易以之取象亦無所嫌也但殷易而載武王枚占穆王筮卦蓋周太卜掌其法者推記占驗之事附入篇中其文非漢以後人所能作也今並宋時三篇亦佚朱太史經義考搜輯其詳摭以爲本間有遺漏爲補綴之並附諸家論說爲一卷

嚴可均輯本序曰新論稱歸藏四千三百言是西漢末實有此書漢志本七略偶失載耳崇文總目云今但存三篇玉海引中興書目同文淵閣書目不著錄蓋三篇又亡於元明之際今蒐輯羣書得八百四十六字視桓譚所見本略存什二焉諸書引見不著篇名者凡二十五條又歸藏啓筮十五條歸藏鄭母經三條歸藏齊母經歸藏初經歸藏本著篇各一條附錄一條又附筮辭五條卜頌十五條

按劉歆與揚雄從取方言書云三代之書藏藏有家顧弗多耶今有一周易而無連山歸藏則劉子駿家無此二書新論言連山歸藏藏蘭臺太卜則在中秘書之外故七略未之及也

竹書易三篇

東晉竹書叙目曰易錄陰陽卦二篇與周易略同錄辭則異卦下易經一篇似說卦而異藝文類聚卷四十引王隱晉書曰太康元年汲縣民盜發魏安釐王家得竹書漆字古書有易卦似連山歸藏

按王隱以爲似連山歸藏東廣微云其爻辭異又云似說卦而異則其書實爲占卜之屬與漢人易林等相類

師春一篇

東晉竹書叙目師春一篇書左傳諸卜筮師春似是造書者姓名也

杜預春秋集解後序曰又別有一卷純集疏左氏傳卜筮事上下次第及其文義皆與左傳同名曰師春師春似是抄集者人名也

史通中左篇自注曰師春多載春秋時筮者錄辭將左氏校遂無一字差舛

玉海藝文編年類中興書目曰汲冢師春一卷案杜預云純集疏左氏傳卜筮事今雜叙諸國世系及律呂謚法末載變卦雜事嘉祐中蘇洵編定六家謚法其表謂果汲冢師春者卽此書所載謚法云

書錄解題曰汲冢師春一卷晉汲郡魏安釐王冢所得古簡杜預得其紀年以攷證春秋別
有一卷純集疏左氏傳卜筮事今此書首叙周及諸國世系又論分野律呂爲圖又雜錄陰
法卦變與杜預所言純集卜筮者不同似非當時本書也

王應麟漢志攷證注程氏春秋分記曰歲星所在傳有明文考之汲冢師春紀述爲詳謂歲
星每歲而成一分積百四十四年而滿本數則爲超辰之限

師春中又有注
太歲超辰之法

宋史藝文志春秋家汲冢師春一卷師春純集疏左傳卜筮事

按此即中興書目所載之一
卷與中興書目所載之一

意其後文也

按晉書校次汲冢古文者荀勗和嶠東晉外又有衛恆傳讚考論其書者又有王接王彪
堅潘滔擊虞謝衡續咸諸人當時互相詰難各是其是故編次不同傳本亦異隋唐志皆
不著錄至宋中興日始著一卷或相傳別本非束氏所編

焦延壽易林十六卷

漢書京房傳房治易事梁人焦延壽延壽字贛賁賤以好學得幸梁王王共其資用令極
意學既成爲郡史察舉補小黃令愛養吏民化行縣中舉最當選三老官屬上書願留贛有
詔許贛秩留卒於小黃其說長於災變分六十四卦更直日用事以風雨寒溫爲候各有占
驗

漢書儒林傳京房受易梁人焦延壽延壽云嘗從孟喜問易會喜死房以爲延壽卽孟氏學

初牧白生不肯皆曰非也至成帝時劉向校書考易說以爲諸易家說皆祖田何楊叔丁將軍大誼略同唯京氏爲異黨焦延壽獨得隱士之說託之孟氏不相與同按京氏多以易爲此也

太平御覽職官部引陳留風俗傳曰昭帝時蒙人焦贛爲小黃令路不拾遺園闢空虛詔遷貢百姓揮涕守闕求索還貢天子聽增貢之秩千石貢之風化猶存其民好學多貢此其風也按此則貢爲漢人頗以補史之缺小黃縣屬陳留郡

隋志子部五行家易林十六卷焦贛撰梁又本三十二卷唐經籍志焦氏周易林十六卷焦贛撰藝文志同宋志著龜家焦贛易林傳十六卷

崇文總目焦贛以八卦轉之六十四卦各有繇言著吉凶占驗然不傳推用之法

晁氏讀書志漢天水焦贛延壽傳易於孟喜行事見儒林傳中此其所著書也費直題其前曰六十四卦變又有唐王余序其書每卦變六十四總四千九十六首皆爲韻語與左氏傳載鳳皇于飛和鳴鏘鏘漢書所載大橫庚庚予爲天王之語絕相類豈古之卜者各有此等書耶按漢志漢書費直題其前曰六十四卦變又有唐王余序其書每卦變六十四總四千九十六首皆爲韻語與左氏傳載鳳皇于飛和鳴鏘鏘漢書所載大橫庚庚予爲天王之語絕相類豈古之卜者各有此等書耶

陳氏書錄解題曰漢小黃令梁焦延壽贛撰又名大易通變凡四千九十六卦其辭假出於經史其意雅通於神祇蓋一卦可以變六十四也舊見沙隨程迥所記南渡諸人以易林筮國事多奇驗求之累年寶慶丁亥始得之皆韻語古雅頗類左氏所載繇辭或時援引古事間筮筮之亦驗頗恨多脫誤亦多重複或諸卦數爻共一繇莫可攷矣

四庫提要曰易林十六卷漢焦延壽撰延壽字贛梁人昭帝時由郡吏舉小黃令京房師之故漢書附見房傳黃伯思東觀餘論以爲名贛字延壽與史不符又據後漢小黃門譙君碑稱贛之後裔疑贛爲譙姓然史傳無不作焦漢碑多假借如歐陽之作歐羊者不一而足亦未可執爲確證至舊本易林首有費直之語稱王莽時建信天水焦延壽其詞蓋出僞託鄭曉嘗辨之審矣贛嘗從孟喜問易然其學不出於孟喜漢書儒林傳記其始末甚詳蓋易於象數之外別爲占候一派者實自贛始所撰有易林十六卷又易林變占十六卷並見隋志變占久佚惟易林尙存其書以一卦變六十四六十四卦之變共四千九十有六各繫以詞皆四言韻語崇文總目言其推用之法不傳而黃伯思記王泌占程迥記宣和紹興二占皆有奇驗則其術尙有知之者惟黃伯思謂漢書稱延壽易分六十四卦更直日用事者乃變占法非易林法薛季宣易林序則謂易林正用直日法辨伯思之說爲謬並爲圖例以明之唐王俞序本名大易通變與諸本不同疑爲後來卜筮家所改非其舊也

焦延壽易林變占十六卷

隋書經籍志易林變占十六卷焦贛撰

經義考曰李鼎祚易集解於隨卦采贛之說云漢高帝與項籍其明微也當屬變占中語又曰隋志五行家易林十六卷新舊唐書志崇文總目同七錄作三十二卷殆合變占十六卷言之

按開元占經五星占歲星占中官星占外官星占客星占諸篇引焦延壽說二十餘條皆

非韻語疑亦變占中文

又按北堂書鈔地部引焦贛易林曰雷風泥塞常水不溫凌人情怠大電為災焦贛易林變占曰深水難涉塗泥在穀漫漫不進虎嘯我足初學記地部引焦贛易林曰江河淮海天之奧府衆利所聚可以饒有焦贛易林變占曰江河淮海天之都市商人受福國家富有兩書互引知變占亦略如易林各有繇辭据李鼎祚易集說悉違所引則其中亦各有解釋之文并及天文星占總之與孟喜所得易家候陰陽災變書同出一源而焦氏專用之京氏用之尤精

又按舊本卷首載東萊費直序曰六十四卦變占者王莽時建信天水焦延壽之所撰也按地理志千乘郡莽曰建信其屬無天水縣漢書地理志千乘郡莽曰建信其屬無天水縣馬竹吾輯費氏易林信此序真出費直著說力辨焦費二人王莽時猶存蓋未詳考贛實梁國蒙人其為小黃令在昭帝時也按京房死於元帝建昭二年年四十一其受業於贛當二十餘在宣帝五鳳甘露中唐王侖序謂元成之間凌夷厥政先生或出或處亦卒於官次蓋昭帝時始補官其後或出或處至元成間乃卒卒時後京房數年其言可信俞自言讀班史列傳歷代名臣譜系諸家雜說之文以為之說云

費直周易逆刺占災異十二卷 漢書卷六十四

漢書儒林傳費直治易長於卦筮亡章句又曰高相治易與費公同時其學亦亡章句專說

陰陽災異

唐書藝文志費氏周易逆刺占災異十二卷注云費直通志略五行易占家周易逆刺占災異十二卷京房撰一云費氏

全祖望讀易別錄漢甲父長費直周易逆刺占災異十二卷見唐志五行家是書經義

考失載

馬國翰費氏周易分野輯本序曰案羅泌路史云費直易十二篇以易卦配地域今其書佚唯晉書天文志引其十二次所起度數稱費直周易分野府開元占經亦引之稱名同考隋志有易林二卷易內神策二卷梁有周易筮占林五卷俱費直撰悉佚不傳此未知當屬何書姑以晉志所引題分野至其配卦之例莫可稽考唐書志載一行論兩戒間及易卦或其遺法乎

按費氏有易傳又有易章句晉志所引周易分野與此兩書頗不類與所作易林等書又不相涉故馬氏謂不知當何屬今按唐志載費氏此書乃災異占候之學故可以易卦配地域而逆刺其將然由是知分野之書必在此十二卷中路史稱十二篇與唐志合羅氏在北宋猶及見其書歟儒林傳言費直長於卦筮又言高相與費公同時其學亦亡章句專說陰陽災異蓋費高二家學術略同高專以此爲說費則別有所作不盡於此也尋史文前後語意則費氏此書尤可信隋志載京氏書書名卷數並與此同而別有周易分野一卷不著撰人意卽費書之殘服至唐而全書復出故新志明著於錄

費直周易林五卷

隋志子部五行家易林二卷費直撰梁五卷唐經籍志費氏周易林二卷費直撰藝文志同
通志略五行易占家著錄同

按馬國翰輯本序云費氏有周易林二卷今佚考焦氏易林卷首載東萊費直說一節又
禮記月令正義引易林一節不見焦氏易林定爲費氏易林之語按費說一節固屬僞詞
正義一節不著姓名漢以來爲易林者有崔篆伏萬壽許峻張滿管輅郭璞魯洪度諸家
何由知其定爲費氏乎馬氏此轉可省

費直易內神策二卷

隋志五行家易內神策二卷費直撰通志略五行策占家周易內卦神策法二卷費直撰

文志有周易內卦神策法二卷下
費直人撰通志略五行策占家

按全氏讀易別錄又有費直易外神策二卷注云見隋志五行家今按隋志實無此目通
志略亦不載未詳所據

費直周易策占林五卷

隋志五行家梁有周易策占林五卷費直撰亡通志略五行策占家周易策占林五卷費直
撰

按焦贛與劉中壘同時而稍在前觀儒林傳言高相與費公同時此似本別錄原文而稱
爲費公則同時脩敬之詞也費一傳爲琅邪王瑱瑱在王莽時貴顯高一傳爲其子康康
在莽居攝時被殺師徒父子相去不遠故朱陸樞授經圖謂高相平帝時人費卒年不可

孜然當成帝劉向校書之時竊意其人尙存其學雖行於民間其書則不入中秘又或例不錄生存人非揚雄四賦當時奏進者可比故焦贛之書皆不著於錄略

京房周易守林三卷

京房周易集林十二卷

隋書經籍志周易守林三卷京房撰周易集林十二卷京房撰通志略五行易占家周易集林十二卷京房撰

按東觀漢記沛獻王輔善京氏易永平五年秋京師少雨上御雲臺召尙席取卦具自爲卦以周易卦林卜之其繇曰蟻封穴戶大雨將集明日大雨上以問輔輔上書曰案易卦震之蹇蟻封穴戶大雨將集蹇艮下坎上艮爲山坎爲水山出雲爲雨蟻穴居知雨將雲雨蟻封穴故以蟻爲興文按沛王所說卽本京氏易今焦氏蹇林亦有蟻封穴戶繇詞似所謂集林者集古林及其師說爲之守林未詳豈其守定此林用以卜從違者歟

京房周易混沌四卷

隋書經籍志周易混沌四卷京房撰唐經籍志京氏周易混沌四卷藝文志同通志略五行易占家著錄同

按靈樞經以純陰變卦爲混沌未明豈此所載皆純陰變卦歟

京房周易委化四卷

隋書經籍志周易委化四卷通志略五行易占家著錄同

京房周易律曆一卷

崇文總目卜筮類周易律曆一卷京房撰宋史藝文志五行家虞翻注京房周易律曆一卷
通志略五行易占家周易律曆一卷京房撰陰陽一書五其一篇說其白張玄一篇所注京房

一、新不務
齊人志
本道
此集
序律
賦

宋王欽臣談錄曰京氏律歷一卷虞翻爲之解其書雖存學者罕究公從祕府傳其書究習遂通歷以占卦其效

電按 茲將 各省 著名 王親 貴族 錄上 沐

陳氏書錄解題曰京氏參同契律曆志一卷虞翻注專言占象而不可盡通字亦多誤未有別本校

按京氏本有律術之書見前厯譜家疑此書本與律術同爲一編故名律厯至宋王洙所見僅存其半而律術亡矣陳錄作參同契律厯志則又術者所改題非其本名也

又按京房卒年四十一時爲元帝建昭二年劉向卒年七十二卒後十三年王莽代漢以劉歆傳證之向當卒於成帝綏和元年房死時向年四十三蓋長於房二歲及後將十年領校祕書以其前卒又當元帝世立京氏易博士故七略易家載孟氏京房十一篇災異孟氏京房六十六篇京房段嘉十二篇若術數之書則亦未嘗徧及也今審取易林以下純爲占卜之類者錄五種如右隋志五行家又有京房逆刺一卷周易占事十二卷周易

占十二卷周易妖占十三卷周易飛候九卷又一部六卷周易飛候六日七分八卷周易四時候四卷周易錯卦七卷又有周易逆刺占災異十二卷及宋以來相傳易傳積算法雜占條例一卷易傳三卷凡一十二部重複互見茫無可稽以其名書之義推之疑皆是災異孟氏京房六十六篇京氏段嘉十二篇之散見者故概不入錄

東方朔射覆經一卷周勃來具口說中

漢書本傳上嘗使諸數家射覆置守宮孟下射之皆不能中朔自贊曰臣嘗受易請射之迺別著布卦而對曰臣以爲龍又無角謂之爲蛇又有足跂跋厭厭善緣壁是非守宮卽蜥蜴上曰善賜帛十匹復使射他物連中輒賜帛時有幸倡郭舍人滑稽不窮常侍左右曰朔狂幸中耳非至數也臣願令朔復射朔中之臣榜百朔不能中臣賜帛迺覆樹上寄生令朔射之朔曰是蠶數也舍人曰果知朔不能中也朔曰生肉爲膾乾肉爲脯著樹爲寄生盆下爲蠶數上令倡監榜舍人云云又贊曰朔之誡諸達占射覆其事浮淺行於衆庶童兒牧豎莫不眩耀而後世好事者因取奇言怪語附著之朔故詳錄焉師古曰言此傳所以詳錄朔之辭語者爲俗人多以奇異妄附於朔故耳欲明傳所不記皆非其實也

通志藝文略五行覆射家東方朔射覆經一卷

按本傳又云凡劉向所錄朔書具是矣世所傳他事皆非也顧注謂他事如別傳及俗用五時行日之書皆非其實今按本傳載其射覆二事則實有其事非五行時日等比亦非奇言怪語附著於朔之比當時必有其書故班氏得著錄於史又云復使射他物連中是

班氏所見尙不止此餘皆略之也隋志五行家有易射覆二卷又一部一卷不著撰人疑其一是朔書本名易射覆通志略作射覆經似眩耀者所改題射覆之術蓋亦從卜筮而得惟引伸觸類用之精者斯能應機屢中非別有異術也史又言與郭舍人往復爲隱事則熟讀隱書十八篇了之亦非有他術也

右著龜凡八家一十六部隋志云一書有射覆二書文王補書一書是書有遺周易骨
子計一書三書以骨龜凡三書所遺此龜非一不說凡書及今有書一書是書一書是書一書是書
又凡書及今有書一書是書一書是書一書是書一書是書一書是書一書是書一書是書
其於龜然無以定其爲漢人所作故不錄焉

焦氏六情鳥音內祕一卷

漢書翼奉傳奉奏對曰六情更興廢張晏曰六情應貞寬大公正姦邪陰賊貪狠也

隋志五行家六情鳥音內祕一卷焦氏撰通志略五行鳥情家著錄同

按六情之說同時翼奉已言之非起於後世術家可知隋志載焦延壽書祇易林及變占各十六卷此題焦氏或其後人及門弟子所錄

京房占六情百鳥鳴一卷

唐日本國人見在書目五行家京房占六情百鳥鳴一卷京房雜占一卷

按雜占疑卽宋時相傳積算法雜占條例當屬漢志所載災異孟氏京房六十六篇中故

此不錄

京君明推偷盜書一卷

隋志五行家京君明推儉盜書一卷

按本傳房事梁人焦延壽延壽稱小黃令以候司先知姦邪盜賊不得發唐王儉大易通變序亦言邑中隱伏之事皆預知其情得以龍巽遷秩房或推其師術以爲此書

又按房有風角要占見前五行家御覽七百十七引風角要占厭盜賊法此書雖爲術各殊疑舊與厭盜賊法俱在風角要占八卷中

京房婚書三卷

宋史藝文志五行家陳襄校定夢書四卷又校定相笏經一卷校定京房婚書三卷

按宋史陳襄傳襄知河陽縣富弼入相薦爲秘閣校理是書蓋卽爲秘閣校理時所審定也襄在北宋得見秘書其稱京房自是可信隋志五行家有婚嫁書凡十二家皆不著撰人意其中有京氏書在焉

京房占夢書三卷

隋志五行家占夢書三卷京房撰通志略五行占夢家著錄同

目囀書一卷

隋志五行家梁有目囀書耳鳴書目囀書各一卷亡通志略五行雜占家目囀書一卷

按西京雜記樊將軍問陸賈曰自古人君皆云受命於天云有瑞應豈有是乎賈應之曰有之夫目囀得酒食燈華得錢財乾鵠噪而行人至蜘蛛集而百事喜小既有徵大亦宜然故目囀則祝之燈華則拜之乾鵠噪則饗之蜘蛛集則放之云云是目囀有祝在漢

初已然日曬之書亦漢時所有藝文志有曉耳鳴雜占十六卷不及目矚

沐書一卷

論衡證術篇時日之書衆多非一略舉較著明其是非沐書曰子日沐令人愛之卯日沐令人白頭夫人之所愛憎在容貌之好醜頭髮白黑在年歲之種老使醜如續母以子日沐能得愛乎使十五女子以卯日沐能白髮乎且沐者去首垢也洗去足垢盥去手垢浴去身垢皆去一形之垢其實等也洗盥浴不擇日而沐獨有日如以首爲最尊則浴亦治面而亦首也如以髮爲尊則櫛亦宜擇日櫛用木沐用水水與木俱五行也用木不避忌用水獨擇日如以水尊於木則諸用水者宜皆擇日且水不若火尊如必以尊卑則用火者宜皆擇日且使子沐人愛之卯沐其首白者誰也夫子之性水也卯木也水不可愛木色不白子之食鼠卵之獸免也鼠不可愛免毛不白以子日沐誰使可愛卯日沐誰使髮白者夫如是沐之日無吉凶爲沐立日縣者不可用也

按王仲任在東漢初所見書皆漢時所有可知隋志五行家有沐浴書一卷不著撰人或漢時相傳然仲任明言洗盥浴不擇日此稱沐浴始後世術者又推演及之歟

裁衣書一卷

論衡證術篇又曰裁衣有書書有吉凶凶日製衣則有禍吉日則有福夫衣與食俱輔人體食輔其內衣衛其外飲食不擇日製衣避忌日豈以衣爲於其身重哉人道所重莫如食急故人政一曰食二曰貨衣服貨也如以加之於身爲尊重在身之物莫大於冠造冠無禁裁

衣有忌是於尊者略卑者詳也且夫沐去頭垢冠爲首飾浴除身垢衣衛體寒沐有忌冠無諱浴無吉凶衣有利害俱爲一體共爲一身或善或惡所諱不均俗人漫知不能實也且衣服不如車馬九錫之禮一曰車馬二曰衣服作車不求良辰裁衣獨求吉日俗人所重失輕重之實也

按隋志五行家梁有裁衣書一卷亡疑卽王仲任所見者

右雜占凡五家八部公羊春秋一書周禮三書一書以爲三子生女服一書梓潼書後魏今無不備

山海經逸篇五篇

山海經篇目曰大荒東經第十四大荒南經第十五大荒西經第十六大荒北經第十七海內經第十八注云此海內經及大荒經本皆遠在外

王應麟漢志考證曰山海經十三篇劉歆定十八篇多於志五篇固已不同

鎮陽畢沅新校正篇目攷山海經三十四篇禹益所作沅曰劉秀表云凡三十二篇今合五藏山經及海外海內經共三十四篇二當爲四字之誤也十三篇漢時所合沅曰劉向校經時所合凡十三篇班固作藝文志取之於七略而無大荒經以下五篇也十八篇劉秀所增沅曰藏本日錄下注云此海內經及大荒經本皆遠在外言山海經古本十三篇劉秀校進時又附五篇於後爲十八篇此郭璞注歟又按大荒經四篇似釋海外經四篇海內經一篇似釋海內經四篇又曰山海經有古圖有漢所傳圖有梁張僧繇等圖大荒經已下五篇所

設之圖當是漢時所傳之圖也以其圖有成湯有王亥僕牛等知之又徵與古異也據藝文志山海經在形法家本劉向七略以有圖故在形法家又郭璞注中有云圖亦作牛形又云亦在畏獸中又郭璞及張駿有圖讀陶潛詩亦云流觀山海圖

按藝文志載山海經十三篇蓋中祕書古本合三十四篇爲十三篇也此五篇在七略之外元刊本篇目下注云本皆逸在外蓋別有此外書非劉歆校定奏進者也諸本皆誤作進在外畢氏新校正亦作進而曲爲解釋恐未然

定其逸篇一書之所以與古本不同可證一字千金矣

梁丘藏一篇

漢書竹書

東晉竹書叙目曰梁丘藏一篇先叙魏之世數次言丘藏金玉事

按此似魏之列代家藏志故入此門

秦地圖

漢書本紀高帝元年冬十月沛公至霸上秦王子嬰降遂西入咸陽蕭何盡收秦丞相府圖書文書何本傳沛公至咸陽諸將皆爭走金帛財物之府分之何獨先入收秦丞相御史律令圖書藏之沛公具知天下院塞戶口多少強弱民所疾苦者以何得秦圖書也

漢書地理志琅邪郡長廣縣班氏注曰有萊山萊王祠奚養澤在西秦地圖曰劇清地幽州

得與地異曰此注雖有說焉

載又代郡班氏縣注云秦地圖書班氏非曰班固

晉書裴秀傳秀作禹貢地域圖序曰今秘府既無古之地圖又無蕭何所得秦圖

按班氏撰地理志兩引秦地圖又引秦盧公秦惠公秦孝公秦惠文王秦武王秦昭王秦

文王秦宣太后秦始王又數稱故秦秦改秦曰各若干條似皆秦地圖中語也知其書東漢初尚存及魏晉時裴秀言秘府無秦圖則大抵亡於董卓懷汜之亂

漢興地圖

史記三王世家元狩六年四月丙申丞相臣青翟等請立皇子臣閼等爲諸侯王令史官擇吉日御史奏興地圖丁酉太僕臣賀行御史大夫事昧死奏興地圖讀所立國名索隱曰謂地爲興者天地有覆載之德故謂天爲蓋謂地爲興故地圖稱興地圖疑自古有此名非始漢也

史記淮南王列傳王日夜與伍被左吳等案興地圖索隱曰志林云興地圖漢家所畫非出漢也又匈奴傳注臣瓚曰浮苴井去九原二千里見漢興地圖

晉書裴秀傳秀作禹貢地域圖序曰今秘府既無古之地圖又無蕭何所得秦圖唯有漢時所畫興地及括地諸雜圖各不設分率又不考正準望亦不備載名山大川其所載列雖有篇形皆不精審不可依據或稱外荒迂誕之言不合事實於義無取

按元帝本紀建昭四年春正月以詠鄧支單于告祠郊廟赦天下羣臣上壽置酒以其圖書示後宮貴人或曰單于土地山川之形書也據臣瓚裴秀所云似已備載此圖矣

張騫出關志一卷

史記衛青霍去病附傳將軍張騫以使通大夏還爲校尉從大將軍有功封爲博望侯後三歲爲將軍出右北平失期當斬贖爲庶人其後使通烏孫爲大行而卒家在漢中

漢書本傳張騫漢中人也建元中爲郎使月氏初騫行時百餘人去十三歲唯二人得還騫身所至者大宛大月氏大夏康居而傳聞其旁大國五六具爲天子言其地形所有語在西域傳又曰自騫開外國道以尊貴其吏士爭上書言外國奇怪利害求使

華陽國志張騫漢中成固人也爲人強大有謀能涉遠爲武帝開西域五十三國窮河源南至絕遠之國拜校尉從討匈奴有功遷衛尉封博望侯於是廣漢緣邊之地通西南之塞豐絕遠之貨令帝無求不得無思不服至今方外開通騫之功也

後漢書西域傳論曰西域風土之載前古未聞也漢世張騫懷致遠之略班超奮封侯之志終能立功西遐翫服外域又曰佛道神化興自身毒而二漢方志莫有稱焉張騫但著地多暑澤乘象而載其精文善法導達之功靡所傳述

隋志史部地理類張騫出關志一卷通志略地理行役門著錄同

章宗源隋經籍志攷證崔豹古今注曰酒杯藤出西域國人寶之不傳中土張騫出大宛得之事出張騫出關志洪遵泉志外國品亦引騫出關志

朱轅地理書

漢書地理志漢承百王之末國土改變民人遷徙成帝時劉向略言其域分丞相張禹使屬潁川朱轅條其風俗猶未宜究故輒而論之終其本末著於篇

隋書經籍志地理記篇叙曰武帝時計書既上太史郡國地志固亦在焉而史遷所記但述河渠而已其後劉向略言地域丞相張禹使屬朱轅條記風俗班固因之作地理志其州國

郡縣山川夷險時俗之異經界之分風氣所生區域之廣戶口之數各有攸叙與古禹貢周
官所記相埒

宋書志序曰朱轍博采風詩尤爲詳洽班固因以爲誌

史通雜述篇曰地里書者若朱轍所采決於九州言皆雅正事無偏黨

錢大昕漢書考異曰地里志末論十二國分域蓋出於劉向

按劉向欲述地理略言域分而未成其書當在續太史公書中別見春秋家劉歆續太史
公條下朱轍始末未詳其所作當是丞相府所錄藏者班氏修史因彙次而論著之

司馬相如蜀本紀

相如始末見前漢書

嚴君平蜀本紀

嚴君平見前漢書

陽成子玄蜀本紀

華陽國志序志曰司馬相如嚴君平楊子雲陽成子玄鄭伯邑尹彭城譙常侍任給事等各
集傳記以作本紀略舉其隅又曰蜀紀言三皇乘祇車出谷口秦宓曰今之斜谷也及武王
伐紂蜀亦從行史記周貞王之十六年秦厲公城南鄭此谷道之通久矣而說者以爲蜀王
因石牛始通不然也本紀既以炳明而世俗間橫有爲蜀傳者言蜀王靈叢之間屬邇三千
歲又云荆人鼂靈死屍化西上後爲蜀帝周靈弘之血變成碧珠杜宇之魄化爲子鵲案蜀
紀帝居房心決事參伐參伐則蜀分野言蜀在帝議政之方帝不議政則王氣流於西故屬
失紀綱而蜀先王七國皆王蜀又稱帝此則靈叢自王杜宇自帝皆周之叔世安得三千歲

且太素資始有生必死死終物也自古以來未聞死者能更生當世或遇有之則爲怪異子所不言況能爲帝王乎碧珠出不一處地之相距動數千里一人之血豈能致此子鵠鳥四海有之何必在蜀漢末時漢中祝元靈性滑稽州牧劉焉談調之末與蜀士燕會聊著輪囷當時爲以極歡後人有以爲惑恐此之類必起於元靈之由也惟智者辨其不然

按蜀在周時稱王稱帝故記其事者稱本紀陽成子玄始末未詳觀常氏序志次楊子雲之後則與陽成子長同時子雲與陽成子長同時諸書言揚子雲蜀王本紀載杜鵑刺譴諸怪異事多以爲譏今觀常道將所考則自司馬長卿以下八家皆無是說蓋出於祝元靈之書策矢於子雲非其實也元靈名龜有漢中耆舊傳鄭伯昌名履尹彭城名貢禮常侍名周任給事名熙並後漢魏晉時人詳見余所輯後漢三國藝文志

揚雄蜀王本紀一卷揚雄撰本紀一卷

隋志史部地理類蜀王本紀一卷揚雄撰唐經籍志同唐藝文志揚雄蜀王本紀一卷

史通因習篇曰國之有僞其來尙矣如杜宇作帝勾踐稱王而揚雄撰蜀紀子貢著越絕考斯衆作咸是僞書揚雄撰蜀紀子貢著越絕考斯衆作咸是僞書又雜說篇云揚雄法言好論司馬遷且晒子長愛奇多難觀其蜀王本紀稱杜鵑化而爲鵲刺屍變而爲鵲其書如是何其鄙哉所謂非書之難而行之難也

章宗源隋志考證曰按杜宇作帝死化子規文選蜀都賦注刺尸監令隨江水至津與望帝相見望帝以爲相以德薄不及監令乃委國授之而去此見文選思立賦注所記誠涉怪異

然雄言荆地有一死人名繁令非變而為繁也至如武都山精化為女子朱提男子從天而
下自稱望帝五丁迎秦女山崩化為石秦襄王時宕渠郡獻長人二十五丈六尺此類亦杜
宇離令之流

嚴可均輯本曰楊雄有蜀王本紀一卷今輯諸書所引見者凡二十六條檢通志古漢書

續通志本紀此類

按常道將序志所言知楊雄書中固有祝元靈燕爵之語後人無以別之

桑欽水經三卷欽傳東吳大器尚書家

唐六典工部水部郎中注桑欽水經所引天下之水百三十七江河在焉鄭善長注水經引

其枝流一千二百五十二

唐藝文志史部地理類桑欽水經三卷一作部鄭道元注水經四十卷

晁氏郡齊讀書志水經四十卷漢桑欽撰欽成帝時人本經三卷後魏鄭道元注

陳氏直齊書錄解題水經三卷水經注四十卷桑欽撰後魏御史中尉范陽鄭道元善長注

桑欽不知何人鄒郭書目以為漢人晁公武曰成帝時人當有所據欽傳東吳大器尚書家

王應麟與其師陸澄等並讀此書以爲成帝時人亦增補金不真也

仁和趙一清水經注釋叙自曰按李林甫唐六典注云欽桑水經所引天下之水百三十七

王應麟玉海云自河水至斤江水非經水常流不在記注之限續通志元曰水經山經末卷

載禹貢山水澤地所在凡六十按今本經水凡百十六較唐六典少二十一篇證以本注及

雜采他籍得盜洛漳沱源滋伊瀉澗洛豐涇汭渠獲洙澗日南弱黑十八水而攝下當有源餘清濁漳大小遼原分爲二刪去無注無名之沅西水合一百三十七水與唐六典數合也

水經注卷之四

畢沅山海經新校正篇目考曰山海經海內東經篇中自嶺三江首至漳水入章武南多有漢郡縣名此是水經據隋書經籍志云水經三卷郭璞注舊唐書經籍志云水經二卷郭璞撰此水經隋唐二志皆次在山海經末當卽海內經中文也又有水經四十卷鄭善長注乃桑氏之經杜佑不知郭注是海內東經中水經以郭璞爲注桑氏之書其謬甚矣

水經注卷之四

四庫提要曰水經作者唐書題曰桑欽然班固書引欽說與此經文異道元注亦引欽所作地理志不曰水經觀其涪水條中稱廣漢已爲廣魏則決非漢時鍾水條中稱晉寧仍曰魏寧則未及晉代推尋文句大抵三國時人今既得道元原序水經注卷之四知並無桑欽之文則據以削去舊題庶幾闕疑之義云爾

鼓大昕三史拾遺曰地理志稱古文者十一涇山終南博物在扶風外方在潁川內方倍尾在江夏鄖陽在東海震澤在會稽傳浚原在豫章鍾離澤在武成流沙在張掖皆古文尙書家說與水經所載禹貢山澤所在無不契合相傳水經出於桑欽欽卽傳古文尙書者則水經爲欽所作信矣蓋東原以水經有廣魏縣斷爲魏人所作大昕謂水經鄖縣間有與西漢互異者乃後人附益改竄猶爾雅周公作而有張仲孝友之語史記司馬遷作而有掛雄之

語也然則志何以別有桑欽說曰禹貢山水澤地所在一篇本古文家相傳之學而欽引以附水經之末水經則欽自出新意爲之故不可合而爲一

按今本水經注鄭道元序非全文故始終不見言水經撰人李林甫等注六典於經之若干水注之若干水言之鑿鑿必得之鄭氏全序也鄭序至杜佑時已有所散佚故通典謂水經不知何代之書唐藝文志題桑欽似亦本六典而又因舊志稱郭璞撰故兩存其說據畢氏所攷則郭璞所注非桑氏書

又按或謂鄭道元水經注引桑欽所作地理志今攷戴氏校本河水東北過高唐縣東條下引桑欽地理志曰漯水出高唐說文水部瀾字下亦引桑欽此說桂氏義證遂謂此出桑欽所作地理志然攷趙氏注釋本則云地理志桑欽曰漯水出高唐蓋卽漢志引桑欽說道元轉引之非道元引桑欽地理志戴氏沿水樂大典寫誤失於校正耳鄭氏於濟水濁漳水易水沔水下引桑欽說又有四條皆出漢志亦無別引桑欽地理志之文知桂氏及提要實沿戴氏此一條之誤也

又按漢志引桑欽說者上黨郡屯留下一條平原郡高唐下一條泰山郡萊蕪下一條丹陽郡陵陽下一條張掖郡刪丹下一條敦煌郡效穀下一條此條漢志云乃所載水經注小越中山國北新城下一條說文水部引桑欽說三條與漢志所引略同全部銛字下引一條或爲欽說尙書禹貢文或爲水經文無以詳知

漢書溝洫志王莽時徵能治河者以百數其大略異者長水校尉平陵關並大司馬史長安張戎御史臨淮韓牧大司空掾王橫各言所宜沛郡桓譚爲司空掾典其議爲甄豐言凡此數者必有一是宜詳攷驗皆可豫見計定然後舉事費不過數億萬亦可以事諸浮食無產業民空居與行役同當衣食縣官而爲之作迺兩便可以上繼禹功下除民疾王莽時但崇空語無施行者

本志顏氏注桓譚新論曰關並字子陽材智通達也張戎字仲功習漑灌事也韓牧字子台善水事師古曰王橫字平中琅邪人見儒林傳中讀曰仲按儒林傳仲字仲功琅邪人也又從韓元帝爲大司馬時始建國二年十月自設官山爲治典是漢制在此中

按桓君山所典治河議當在大司空政府所錄藏班氏附著於溝洫志又疑在新論述策篇雜事篇然不可知矣

王莽地理圖簿

漢書平帝本紀元始四年更公卿大夫八十一元士官名位次及十二州名分界郡國所屬罷置改易天下多事更不能紀王莽傳元始五年莽復奏曰臣又聞聖王序天文定地理因山川民俗以制州界漢家地廣二帝三王凡十三州州名及界多不應經堯典十有二州後定爲九州漢家席地遼遠州牧行部遠者三萬餘里不可爲九謹以經義正十二州名分界以應正始奏可

王莽傳又曰始建國四年莽至明堂授諸侯茅土下書曰予以不德襲於聖祖爲萬國主思

安黎元在於建侯分州正域以美風俗追監前代爰綱爰紀惟在堯典十有二州衛有五服
詩國十五播徧九州殷頌有奄有九有之言禹貢之九州無并幽屬禮司馬則無徐梁帶王
相改各有云爲或昭其事或大其本既義著明其務一矣昔周二后受命故有東都西都之
居予之受命蓋亦如之其以洛陽爲新室東都常安爲新室西都邦畿連體各有采任州從
禹貢爲九爵從周氏有五諸侯之員千有八百附城之數亦如之以俟有功諸公一同有衆
萬戶土方百里侯伯一國衆戶五千土方七十里子男一則衆戶二千五百土方五十里附
城大者食邑九成衆戶九百土方三十里自九以下降殺以兩至於一成五等備具合當一
則今已受茅土者公十四人侯九十三人伯二十一人子百七十一人男四百九十七人凡
七百九十六人附城五百一十一人九族之女爲任者八十三人及漢氏女孫中山承禮君
道德君修義君更以爲任十有一公九卿十二大夫二十四元士定諸國邑采之處使侍中
講理大夫孔乘等與州都案郡曉知地理圖籍者共校治於壽成朱鳥堂千數與羣公祭酒
上卿劉聰視成已通矣夫褒德賞功所以顯仁賢也九族和睦所以謀親親也予永惟匪懈
思稽前人將章黜陟以明好惡安元元焉以圖簿未定未授國邑且令受奉都內月錢數千
又并傳天鳳二年莽意以爲制定則天下自平故銳思於地理制禮作樂講合六經之說公
卿日入暮出議論連年不決四年六月更授諸侯茅土於明堂曰予制作地理建封五等考
之經藝合之傳記通於義理論之思之至於再三自始建國之元以來九年於茲適今定矣
後漢書陳留傳蓋移檄告郡國曰故新都侯王莽分裂郡國斷截地絡田爲王田賣買不得

規鋼山澤奪民本業造起九廟窮極土作發蒙河東攻劫邱壘此其逆地之大罪也

漢書地理志京兆尹長安王莽曰常安船司空莽曰船利師古曰王莽篡位改漢郡縣名普

易之也下皆類此

又曰船司空本主船之官也

按莽究心地里既於元始中從堯典奏改十三州爲十二州行不數年篡位之後又從禹貢改爲九州考論九年而後成其書兼及封建井田之制班制所引郡縣異名特其一端耳其郡縣之數今不可考唯莽傳天鳳元年下書有云九州之內郡百二十有五縣二千二百有三其時尚在未定之前大略之數不過如此又謂郡縣以亭爲名者三百六十以應符命文云

青島子三卷

風俗通姓氏篇青島氏漢有青島子善術數張衡注曰按風俗通引青島氏書說鷄者東方之牲也

風俗通引青島子善術數張衡注曰按風俗通引青島氏書說鷄者東方之牲也

唐經籍志子部五行家青島子三卷藝文志同唐日本書目青島子十三卷

後十卷

四庫提要術數類存目曰葬經一卷題曰青島先生葬經大金丞相兀欲氏注考青島子名見晉書郭璞傳唐志有青島子三卷已不知爲真古書否此本文義淺近經與注如出一手殆又後人所依託矣郭璞葬書引經者曰若干條皆見於此本然字句頗有異同蓋作僞者獵取璞書以自證而又稍易其文以混剽襲之迹耳未可據爲符驗也

按唐書志郭璞傳不見言青島子事提要云云或從他所引別家書歟然應劭言青

烏子遠在郭景純之前非始見於郭傳也明矣文選謝靈運哀傷詩注初學記禮部御覽七百二並引青烏子相冢書地神子經卷第三頁帝

嚴助相貝經二卷

漢書本傳助會稽吳人嚴夫子子也子孫也或曰族家子也郡舉賢良對策武帝擢爲中

大夫後拜爲會稽太守三年計最因留爲侍中有奇異輒使爲文及作賦頌數十篇坐與淮

南王交私棄市

藝文類聚寶玉部相貝經曰相貝經朱仲受之於琴高琴高乘魚浮於海河水產必究仲學

仙於高而得其法又獻珠於漢武去不知所之嚴助爲會稽太守仲又出遺助以徑尺之貝

并致此文於助云云列傳曰朱仲會稽人子仲受之於琴高仲學仙於高而得其法又獻珠於漢武去不知所之嚴助爲會稽太守仲又出遺助以徑尺之貝

人亦見列傳是所引相貝經

說文貝海介蟲也居陸名森在水名蝸象形古者貨貝而寶龜至周而有泉至秦廢貝行錢

隋志子部五行家梁有相貝經二卷亡唐經籍志農家相貝經一卷藝文志同

楊慎丹鉛總錄曰馬總意林引相貝經不著作者誠初學記始知爲嚴助作

按隋唐志載相貝經不著撰人宋本意林第六卷有相貝經一卷題曰琴高嚴氏可均校

補意林闕目有貝書十卷不著名氏陶宗儀說郛云相貝經朱仲撰汪師韓文選注引羣

書目錄云相貝經嚴助撰見初學記今按初學記居處部引嚴助相兒經曰堯懸貝於

鳩宮兒蓋貝之爲物上古三代以爲貨幣又以爲藥物爲器具珍飾其用至廣

其書自周秦時有之不始於嚴助此特助所校錄亦不出於助觀初學記所引序可知矣
漢武故事云上少好學招求天下遺書親自省校使莊助司馬相如等以類分別之則此
爲助校書時所傳益信今姑從初學記題嚴助姓名其佚文還注及初學記所引率不過
一二語御覽鱗介部引二條藝文類聚引凡三百餘言最爲詳悉云

相玉書

後漢王逸離騷注相玉書言理大六寸其曜自照

魏志鍾繇傳注魏略曰太子與繇書曰竊見玉書稱美玉白若截肪黑譬純漆赤擬雞冠黃
侔燕栗

按相玉書不知何人作王叔師騷注引之當出前漢藝文類聚寶玉部引呂氏春秋珠玉
國曰璣碎珠珠玉國亦不知爲何人作與此相類

相印經一卷

相笏經一卷

相應經一卷

魏志夏侯玄傳注魏氏春秋曰相印書曰相印法本出陳長文長文以語韋仲將印工楊利
從仲將受法以語許士宗利以法術占吉凶十可中八九仲將問長文從誰得法長文曰本
出漢世有相印相笏經又有應經牛經馬經印工宗養以法語程申伯是故有一十二家相
法傳於世

按隋志五行家梁有相手板經韋氏相板印法程申伯相印法各一卷亡舊新唐志農家
鷹經一卷通志略五行類東方朔相笏經一卷按相印經意即在魏韋駸程喜兩家書中
兩家又從而增演之而韋氏書中又兼言相笏別出一本則託之東方朔既陳羣言本出
漢世則此三書漢時所有可知其相牛經相馬經疑在漢志相六畜三十八卷中故此不
錄

淮南八公相鶴經二卷

史記淮南王列傳索隱淮南要略云養士數千高材者八人蘇非李尙左吳田由雷被伍被
毛被晉昌號曰八公

文選舞鶴賦注相鶴經者出自浮丘公公以自授王子晉崔文子者學仙於子晉得其文藏
於嵩高山石室及淮南八公采藥得之遂傳於世

隋志五行家梁有淮南八公相鶴經浮丘公相鶴書各二卷亡唐經籍志農家相鶴經一卷
浮丘公撰藝文志浮丘公相鶴經一卷宋志五行家趙浮丘公相鶴經一卷

按淮南八公相鶴經即浮丘公相鶴經隋志引七錄兩書並出實重複也初學記鳥部及
御覽並引淮南八公相鶴經知鶴亦鶴字之誤選注所引當是序文宋本意林第六卷亦

有浮丘公相鶴經一卷高似孫子略亦載之浮丘公王子晉崔文子並見劉向列仙傳

右形法凡二十家二十部七部有異名山經四卷子晉傳相笏經一卷子晉傳相馬經一卷子晉傳相牛經一卷子晉傳相水經一卷子晉傳相火經一卷子晉傳相土經一卷子晉傳相金經一卷子晉傳相木經一卷子晉傳

占引四公相水經一卷相火經一卷相土經一卷相金經一卷相木經一卷相水經一卷相火經一卷相土經一卷相金經一卷相木經一卷相水經一卷相火經一卷相土經一卷相金經一卷相木經一卷

洛陽縣之佚事
錄其不列者

右數術六種凡六十二家七十四部史言數術之家皆明堂義和史卜之職則爲古史官所有
事其書或傳或不得年代縣邈不可詳究天官書曰畢唐甘石因時務論其書傳今唐味甘石
之書略見前天文家而尹舉之書不可攷又云漢之爲天數者星則唐都氣則王朔占歲則魏
鮮藝文志亦云漢有唐都庶得龜鏡今惟王朔有兵家雜旬奴占一卷蓋非其全魏鮮藝占天
官書及開元占經引之當在班志子轅維子候藏二十六卷中而唐都之書不可攷麻志言元
封中修太初曆罷廢尤疏遠者十七家今十七家之書不可攷汪氏推步諸術考言麻家託始
黃帝而黃帝之前伏羲氏有甲寅曆神農氏有太初曆黃帝以後陶唐氏有甲子曆其殆周秦
時時人子弟所推行今亦不可攷郭景純言京房易傳有消伏之教本見四庫開元占經日變色
條載京房引救黃經救赤經救黑經教白經此易傳所引在房之前不知出自誰氏梁元帝洞
林序云漢門五將韓終六壬見金史終爲秦始皇時方術士則漢時有六壬家舊說謂六壬起於
黃帝素女者妄也班志有漢門式無六壬書豈所載六合隨典二十五卷卽其書歟司馬季主
傳宋忠賈誼言人祿命論術命義等篇數言星位祿命三命則漢世已有元辰祿命之書今皆
不可詳考論衡日誥等篇又數言歲時之書時日之書工技之書斯則泛論虛擬之詞尤
無從而尋按矣

漢書藝文志拾補卷六

方技略第六

神農本草經三卷

皇甫謐帝王世紀曰炎帝神農氏長於江水始教天下耕種五穀而食之以省殺生嘗味草木宜榮療疾救夭傷人命百姓日用而不知著本草四卷

隋志子部醫方家神農本草經三卷唐經籍志醫術類神農本草三卷藝文志同

顧氏家訓書證備典結緒亂久矣醫猶本草神農所述而有豫章朱巖趙國常山奉高真定臨瀛馮翊等郡縣名出諸藥物皆由後人所屬非本文也

宋掌禹錫嘉祐補注本草叙錄曰舊說本草經三卷神農所作而不經見漢書藝文志亦無錄焉唐李世勣等以梁七錄載神農本草三卷推以爲始又疑所載郡縣有後漢地名似張機華佗輩所爲皆不然也蓋上世未著文字師學相傳謂之本草兩漢以來名醫益衆張華輩始因古事附以新說通爲編述本草錄是見於經錄

宋寇宗奭本草衍義序曰帝王世紀云黃帝使岐伯嘗味草木定本草經造醫方以療衆疾乃知本草之名自黃帝始

王應麟漢志攷證曰張仲景金匱云神農能嘗百草淮南子云神農嘗百草之滋味一日而七十毒案平帝紀元始五年舉天下通知方術本草者郊祀志成帝初有本草待詔樓護傳護少誦醫經本草方術數十萬言其名見於此陶宏景云疑仲景元化等所記舊經三卷藥止三百六十五種唐于志寧曰世謂神農氏嘗藥以拯含氣而黃帝以前文字不傳以識相

付至桐雷乃載篇冊

按嚴氏全上古文編云漢藝文志經方家有神農皇帝食禁七卷周禮醫師疏引食禁作食藥蓋食禁食藥卽本草矣今按隋志引七錄別有神農藥忌一卷黃帝雜飲食忌二卷藥忌食忌似卽漢志食禁七卷之遺蓋黃農兩家禁方之類非本草也今仍從王氏所補錄於此

桐君采藥錄二卷

梁陶宏景名醫別錄序曰又有桐君采藥錄說其花葉形色

隋書經籍志桐君藥錄三卷唐經籍志同藝文志同日本國人見在書目桐君藥錄二卷

明李時珍本草綱目序錄曰桐君黃帝時臣也書凡二卷紀其花葉形色今已不傳後人又有四時采藥太常采藥時月等書

按御覽八百六十七引桐君錄曰西陽武昌晉陵皆出好茗又曰茶花狀似梔子其色稍

白此不知爲本文爲後人注文

雷公藥對二卷

陶宏景名醫別錄序曰又有桐君采藥錄說其花葉形色藥對四卷論其佐使相須魏晉以

來吳普李諧之等更復損益

按此似有數誤藥對上當有雷公二字當是桐君二卷書也

唐書經籍志雷公藥對二卷

李時珍本草綱目叙錄曰雷公藥對陶氏前已有此書吳氏本草所引雷公是也蓋黃帝雷

公所著北齊徐之才增飾之

按隋志唐藝文志有雷公集注神農本草四卷蓋劉宋時雷敳非此雷公

子儀本草經一卷

周禮天官疾醫注五藥治合之齊則存乎神農子儀之術疏案劉向云扁鵲治趙太子暴疾尸蹙之病使子明炊湯子儀厭神子術案摩又中經簿云子義本草經一卷儀與義一人也若然子義亦周末時人也

按子儀秦越人弟子也禮疏引劉向見說苑辨物篇然其文則云子容檇藥子明吹耳陽儀反神子越扶形子游矯摩與此所引異史記扁鵲傳言其治號太子尸蹙使弟子子陽厲鍼砥石使子約爲五分之製與此亦異又素隱案傳云云號是晉獻所滅先此百二十餘年此時焉得有號則此云號太子非也然案號後稱郭春秋有郭公蓋號之太子也今按此云趙太子與史亦異

介公對詔

史記列傳太倉公者齊太倉長臨菑人也姓淳于氏名意少而喜醫方術高后八年更受師同郡元里公乘陽慶慶使意盡去其故方更悉以禁方予之傳黃帝扁鵲之脈書五色診病知人死生決嫌疑定可治及藥論其精受之三年爲人治病決死生多驗然左右行游諸侯不以家爲家或不爲人治病病家多怨之者文帝四年中人上書言意以刑罪當傳西之長安意有五女隨而泣意怒罵曰生子不生男緩急無可使者於是少女緹縈傷父之言乃隨

父西上書曰妾父爲吏齊中稱其廉平今坐法當刑妾切痛死者不可復生而刑者不可復

續雖欲改過自新其道莫由終不可得妾願入身爲官婢以贖父刑罪使得改行自新也書

聞上悲其意此歲中亦除肉刑法文十二年除肉刑意家居詔召問所爲治病死生驗者幾

何人主名爲誰詔問故太倉長臣意方技所長及所能治病者有其書無有皆安受學受學

幾何意嘗有所驗何縣里人也何病醫藥已其病之狀皆何如具悉而對臣意對云云意主

意以上法史公所載以下則意主之

漢書藝文志曰太古有岐伯俞附中世有扁鵲秦和漢興有倉公今其技術曉昧

嚴可均全漢文編曰淳于意對詔問所爲治病死生驗者幾何人主名爲誰凡三十一條並

史記倉公傳

按倉公所對凡二十六條又詔問對八條實三十四條刊本誤合三條故嚴氏以爲三十

一其所事師則菑川唐里公孫光及陽慶所授弟子則爲齊宦者平臨菑人宋邑濟北王

太醫高期王禹菑川王太倉馬長馮信高永侯家杜信齊王侍醫臨菑召里唐安凡七人

自陶氏名醫別錄亡遂皆不可攷

右經方凡五家五部

鄒衍重道延命方竹書東周子小說家方士傳

漢書劉向傳上復興神僊方術之事而淮南有枕中鴻寶苑祕書及鄒衍重道延命方世人

莫見而更生父德武帝時治淮南獄得其書更生幼而讀誦以爲奇獻之

按葛洪抱朴子遐覽篇載鄒生延命經一卷似卽此書或實出鄒生或方士僞託無以詳知

陵陽子明經

劉向列仙傳曰陵陽子明者鍾鄉人也好釣魚於旋溪得白龍子明懼解釣拜而放之後得白魚腹中有書教子明服食之法子明遂上黃山采五石脂沸水而服之三年龍來迎去止陵陽山上百餘年

按王逸楚辭遠游篇章句文選甘泉賦張挹注並引陵陽子明經又思立賦江賦琴賦注張景陽七命注亦數引之其言亦近似服氣導引之術隋志醫家有陵陽子說黃金秘法一卷新唐志有明月公陵陽子秘訣一卷其卽是書之轉輾傳益者

又按抱朴子黃白篇云凡方書所名藥物又或與常藥物同而名異者如河上絕女非婦人也陵陽子明非男子也禹餘糧非米也堯漿非水也則陵陽子明又似藥物之名爲神仙家之寓言莫得而詳矣

五行變化墨子五卷

抱朴子遐覽篇曰道經有墨子枕中五行記五卷又曰其變化之術大者唯有墨子五行記本有五卷昔劉君安未仙去時鈔取其要以爲一卷其法用藥用符乃能令人飛行上下隱淪無方含笑卽爲婦人整面卽爲老翁踞地卽爲小兒執杖卽成林木種物卽生瓜果可食畫地爲河撮壤爲山坐致行廚興雲起火無所不作也又曰余事鄭君弟子五十餘人唯余

見受金丹之經及三皇內文枕中五行記

隋經籍志五行家梁有五行變化墨子五卷亡

按墨家有鬼神右鬼神則必重祠祀重祠祀則必涉神異涉神異則必兼變化能變化則以爲神仙術矣漢之方士類皆以祠祀神仙爲言史漢書志言如其方如其方者屢矣隋志既載五行變化墨子而醫方家又有墨子枕中五行紀要一卷蓋一言變化一言藥物然葛稚川言變化之術用藥則又似從五卷中析出大抵皆方士學墨者之所爲未必是墨者也三墨之徒衆多非一秦漢方士蓋其末流之別爲一派者

方士陷冰丸方一卷

漢書郊祀志成帝末年頗好鬼神亦以無繼嗣故多上書言祭祀方術者皆得待詔祠祭上林苑中長安城旁費用甚多谷永說上曰臣聞明於天地之性不可惑以神怪知萬物之情不可罔以非類諸背仁義之正道不遵五經之法言而盛稱奇怪鬼神廣宗祭祀之方求報無福之祠及言世有仙人服食不終之藥黃冶變化堅冰潭淵皆姦人惑衆挾左道懷詐譌以欺罔世主晉灼曰方士詐以藥石若陷冰丸投之水上冰即消因假爲神仙道使然也

按隋志醫方家有扁鵲陷冰丸方一卷据谷疏及晉注蓋卽武宣時方士所作而托之扁

鵲

淮南中篇八卷

淮南王安始集其門客編纂中

漢書本傳淮南王安招致賓客方術之士數千人作爲內書二十一篇外書其衆又有中篇

八卷言神仙黃白之術亦二十餘萬言安人朝每宴見談說方技

漢書劉向傳是時宣帝循武帝故事復興神仙方術之事而淮南有枕中鴻寶苑秘書書言

神僊使鬼物為金之術世人莫見更生父德武帝時治淮南獄得其書更生幼而讀誦以為

奇獻之言黃金可成上令典尚方鑄作事費其多方不驗上乃下更生吏師古曰鴻寶苑秘

書並道術篇名藏在枕中言常存錄之不漏泄也

漢書郊祀志大夫劉更生獻淮南枕中洪寶苑秘之方令尚方鑄作事不驗更生坐論師古

曰洪大也苑秘者言秘術之苑囿也

史龜策傳褚少孫曰臣為耶時見萬舉石朱方素隱曰按萬舉術中有石朱方

抱朴子論仙篇夫作金皆在神仙集中淮南王抄出以作鴻寶枕中書又神仙傳漢淮南王

作中篇八章言神仙黃白之事名為鴻寶萬舉三章論變化之道凡十萬言

隋志子部五行家梁有墨子枕中五行要記淮南萬舉經淮南變化術各一卷淮南中經四

卷亡

唐經籍志淮南王萬舉術一卷劉安撰唐藝文志淮南王萬舉術一卷

按諸書所引惟萬舉術為多高郵茹汴林輯存一卷在茹輯十種中

阮介列仙圖一卷

四

今本劉向列仙傳贊曰余嘗得秦大夫阮倉撰仙圖自六代迄今有七百餘人

論衡無形篇傳稱赤松王喬好道為仙度世不死是虛語也圖仙人之形體生毛臂變為翼行於雲則年增矣千歲不死此虛圖也世有虛語亦有虛圖

抱朴子論仙篇曰劉向撰列仙傳刪秦大夫阮倉書中出之又神仙傳序曰弟子滕升嘗問古之仙者豈有其人乎余答曰秦阮倉所記有數百人劉向所纂七十一人

玉海藝文後漢東平王蒼傳帝特留蒼賜以秘書列仙圖道術秘方隋經籍志漢時阮倉作列仙圖唐許南容策陳留神仙阮倉述其事集賢注記云阮倉仙圖一卷集賢無本

注記三

劉向列仙傳二卷

向始末具六國漢書

太平御覽道部仙經門劉向列仙傳叙曰列仙傳漢光祿大夫劉向所撰也成帝時向既司典籍見上頗修神仙事遂修上古以來及三代秦漢博采諸家言神仙事

此序

阮倉序一卷見列

今本列仙傳總讚曰余嘗得秦大夫阮倉撰仙圖自六代迄今七百餘人始皇好遊仙之事

庶幾有獲故方士霧集祈祀彌布殆必因迹託虛寄空為實不可信用也若周公黃錄記太白下為王公歲星變為青書公等所見非一家聖人所以不開其事者以其無常然雖有時著蓋道不可棄距而閉之何真正也而論語云怪力亂神其微旨可知矣

此序

阮倉序一卷見列

抱朴子論仙篇曰向本不解道術至於撰列仙傳自刪秦大夫阮倉書中出之或所親見然後記之非妄言也又曰劉向博學則究微極妙經深涉遠思理則清澄真偽研覈有無其所撰列仙傳仙人七十有餘誠無其事妄造何爲乎遠古之事何可親見皆賴記籍傳聞於往耳列仙傳炳然其必有矣然書不出周公仲尼世人終於不信多謂劉向非聖人其所撰錄不可孤據尤所以使人歎息者也向爲漢世名儒其所記述庸可棄哉

顧氏家訓書證篇曰列仙傳劉向所造而贊云七十四人出佛經由後人所屬非本文也

隋志史部雜傳篇叙曰又漢時阮倉作列仙圖劉向與校經籍始作列仙列士列女之傳皆

因其志尙率爾而作不在正史又曰列仙傳贊三卷劉向撰四庫全書劉向撰一列仙傳二列士列女傳三

孫綽贊列仙傳贊二卷劉向撰晉書郭元祖贊唐經籍志列仙傳贊二卷劉向撰藝文志道

家神仙類劉向列仙傳二卷宋史藝文志三卷

玉海藝文曰史記正義七略云列仙傳二卷劉向撰崇文目同凡七十二人七略

陳氏書錄解題曰列仙傳二卷漢劉向撰凡七十二人每傳有贊似非向本書西漢人文章

不爾也館閣書目三卷六十二人崇文總目作二卷七十二人與此合

四庫簡明目錄曰列仙傳二卷舊本題劉向撰自赤松子至元俗凡七十一人人係一贊篇

末又爲總贊全如列女傳之體然漢志載劉向六十七篇無此書疑魏晉間方士所依託故

葛洪神仙傳已引之其總贊引孝經援神契亦七略不載之書疑卽隋志所謂郭元祖列仙

傳贊也

按今本載及東方朔銘云夫人劉中壘必不若是之妄且既云掘阮倉之圖取以爲傳而傳中有成帝時事今本必無識道流所爲亦非真是綴集之本也

左神仙凡七家七部
呂純陽今本玉列仙傳云洞子著天地人四君十貴尉尉又呼仙人以爲有德又云
酒於女一泉者純陽中一書八公其白經一書漢文子財後經一書寧陽子經一書五龍各經一
志所錄上古三代秦漢人所作神仙家書悉數之不能盡今其主

右方技二種凡一十二家一十二部按藝文志方技四種曰醫經曰經方曰房中曰神仙醫經之書七略已收載無遺隋志所有黃帝岐伯扁鵲諸籍皆其相傳之本唯吳普本草數引醫和甘苦寒溫之說見左傳而漢志無其書意亦在醫經經方諸部中也房中之書七略之外亦罕有別出隋志載素女祕道經玄女經素女方彭祖養性經子說陰陽經卽其散佚之僅存者陽湖孫氏得素女方刊入平津館叢書傳於今者唯此今所拾補僅經方神仙兩種經方家書如介公對詔皆言脈法方論是最古之醫案或且未能通其說首尾完具是爲上乘至於仙神家書則率多荒誕如墨子淮南謬稱黃冶變化眩惑視聽祇益益欺列仙圖傳粉飾尸解飛昇摩擬虛無全乖事實是皆於脩養靜攝按摹步引之道渺不

相涉在彼法既爲左道於是類亦曰岐圖以六略之中無可繫屬此猶得近似故附麗之爾

漢書藝文志拾補勘誤表

頁	行	誤	正
拾補例錄 卷之一	十九	奏	奏
二	九	茲	也
三	廿四	十一部	十二部
拾補卷一 之一	三三	是易家……	是漢易家……
三	九	曾而	而曾
全	二七	易家陰陽……	易家陰陽……
八	二四	孝成帝	孝成皇帝
九	九	古史……	古文……
十	三	五經治義今輯本	五經異義今輯本
		有魯詩……	有治魯詩……
全	七	按所據	按所志所據
全	九	……取平人也事見中……	……取平人也事見中……
十二	四	弟	第
十五	一	為	於
十七	九	……不傳典經……	……不傳漢典經……
十八	三十三行下	一節文如下	
十九	十八	故	古

頁	行	誤	正
廿一	三	東陽侯敬	東陽侯敬
全	十八	右	左
廿二	六	案	案
全	廿三	授常……	常授……
廿三	廿八	又按十二……	又十二……
廿六	十六	其氏鄭司農……	其氏注鄭司農……
全	三二行	玉海起另提行	
廿八	六	家	家
全	廿五	著	著
廿九	十九	史記	史記
全	二十	史記	史記
三	四	列傳	列傳
全	十九	復為楚……	復有楚……
全	廿八	名字甲也	名辨字甲也
三二	十六	孔子	孔氏
三四	八	及經書相與……	及經書相與……
全	三一	傳	傳
三五	廿九	注孝經云……	注孝經之……

三十六	廿三	太師武學堂久以六書太史試學堂久以六書
三八	十八	楚乘機机 楚機机
三九	三	後漢樊英…… 後漢樊英……
之三	二三	觀 說
七	二九	太 大
八	十一	列 麻
九	十六	林 符
十	廿八	言 年
十一	五	四 西
十四	五	書日 齊日
十七	四	司鴻古有…… 司鴻氏古有
全	十	須胸書 須約書
全	十一	胸 約
全	十三	漚 運
全	十四	胸(計四胸字) 約
全	十五	旬 胸
全	十七	東 務
十八	十三	世三齊亡於西晉 彼二齊亡於西晉
全	三十	同 曰
全	三四	日錄 目錄

十九	三一	子 子
全	三三	弓 野
二十	七	也 畫
全	八	雷鼓曰 贊曰
全	十	話 語
全	十六	我 式
全	廿一	廢 廢
全	三二	賦 賦
全	三三	面 面
廿三	十三	以竹爲長之…… 以竹爲之長……
廿五	十五	未必各自…… 未必奔各自……
拾遺之二五	幾	幾 幾
全	二	向初…… 初向……
全	十五	興 興
全	廿二	就 受
全	廿三	數萬人 數萬人
二	八	得諸侯…… 得與諸侯……
全	十五	作 竹
全	廿五	微 微
全	廿八	遽 遽

三	一	八還宮	八人還宮	五之一十三	周禮	周禮
全	三	第	等	又十三	張倉	張倉
全	九	機	機	六五	張倉	張倉
全	廿二	：疑難也者：：疑難也者		一廿九	納	納
全	廿四	卿	子	四册三	崔微	崔微
全	三三	請	清	六廿三	王海	王海
四	五	刊	出	七廿六	候	候
全	七十八	辨	辨	十二十二	殿	股
全	十三	元封四年	元封元年	又三二	裏	裏
全	廿二	賢	賦	九十三	注亦見三統術	亦見三統術
五	十一	傳	傳	又册	太初下第一解字	
全	十六	傳賢	傳賢	十二十	假托	假托
全	十九	飛入入証舍	飛入証舍	十一三	日月	月日
全	二十	詳	詳	又廿二	印卷	印卷
六	二	諸封疏	諸疏	十二十二	(注)無句股	無句股
拾補四之一	十四	疏	疏	十四七	隨	隨
又	廿八	蔡氏下第一議字		又十二	隨	隨
三	五	注中二托字曾託之說		又十四	侯	侯
拾補四之三	一	同	同	又十五	歷	歷
拾補五之一	三十	推	推	又十八	隨	隨

